

Dissertatio medica inauguralis, de ancyloseos pathologia et curatione ... /
Publico examini submittit Jacobus Thiensius van de Wynpersse.

Contributors

Wijnpersse, Jacobus Thiens van de, 1761-1788.
Kluit, Adriaan, 1736-1807.
Rijksuniversiteit te Leiden.

Publication/Creation

Lugduni Batavorum : Apud Jacobum Meerburg, 1783.

Persistent URL

<https://wellcomecollection.org/works/f6tdfsb5>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERAT**TATIO MEDICA**
INAUGURALIS,

D D

**ANCYLOSEOS PATHOLOGIA
ET CURATIONE;**

QUAM,

ANNUENTE SUMMO NUMINE,

EX AUCTORITATE RECTORIS MAGNIFICI,

ADRIANI KLUIT,

*ANTIQUITATUM, HISTORIAE, INPRIMIS DIPLOMATICAE
FOEDERATI BELGII, PROFESSORIS ORDINARIJ,*

N E C N O N

*Amplissimi SENATUS ACADEMICI Consensu,
& Nobilissimae FACULTATIS MEDICAE Decreto,*

PRO GRADU DOCTORATUS,

*Summisque in MEDICINA Honoribus ac Privilegiis
rite & legitime consequendis,*

Publico examini submittit

JACOBUS THIENSIUS VAN DE WYNPERSSE,
GRONINGANUS.

Ad diem xxiv. Septembris, ccccclxxxiii. H. L. Q. S.

*LUGDUNI BATAVORUM,
APUD JACOBUM MEEBURG.
M D C C L X X X I I I.*

5 МОСКОВСКАЯ ОПЕРА ЯЗЫКИ СС
СВЕРХУ ДОЛОЖНА БЫТЬ

ЛЯ

АЛГОНОНТАЯ ГОСРОДСКАЯ
СТИОТА ЯЩУ ТЭ

МУЗЫКА

СИКИЧОМКИ АТИЧИИА

БУЛАДИАНОВА СИГЛАССИА

СТИОЛЖИАДА

БУЛАДИАНОВА СИГЛАССИА

VIRO CLARISSIMO
DIONYSIO VAN DE WYNPERSSE,

A. L. M. SS. THEOL. ET PHILOS. DOCT.
PHIL. MATH. ET ASTRON. PROF. P. O.

P A R E N T I
OPTIME DE SE MERITO,
PUBLICUM HOC LABORUM SUORUM
SPECIMEN,
OMNI, QUA DECET, VENERATIONE,

A U C T O R
DEDICAT.

Digitized by the Internet Archive
in 2019 with funding from
Wellcome Library

АСТРО
ГАДОВІ

<https://archive.org/details/b30792836>

DISSERTATIO INAUGURALIS

D E

ANCYLOSEOS PATHOLOGIA ET CURATIONE.

INTRODUCTIO.

Examinatis alibi (*a*), quae ad theoreticam Ancyloseos pertinent historiam; nunc, pro inaugurali Disputatione, ea, quae ad practicam diri istius vitii pertractionem pertinent, Caussas nempe, Symptoma, Diagnosin & Prognosin, nec non Curam, sequentibus quatuor Capitibus persequi mihi animus est.

C A P U T I.

D E A N C Y L O S E O S C A U S S I S.

§. I.

Omnis morbus suas habet, quarum vi existit, caussas. Ita omne illud, cuius vi existit praeternaturalis Articulorum obrigescientia, pro causa Ancyloseos habendum esse, inficias iverit nemo (*b*).

§. II.

(*a*) In Dissertatione *de Ancyloſi*, quam, Praefide clar. G. VAN DOEVEREN, a. d. ix. April. 1783. in nostra Academia, publice defendi.

(*b*) Vid. GAUBII *Inst. Pathol. Med.* §. 54.

DISSE

RAT

TIO DE ANCYLOSEOS

§. I I.

Has Ancyloseos Caussas dispesco in *Remotas* sive eas, quae singulae quidem aliquid ad morbum conferunt, non tamen, nisi coniunctae, eundem efficit; & *Proximam*, ex concursu Remotarum natam, qua itaque posita necessario consequitur poniturque Ancyloseos morbus, qua sublata hic tollitur (c).

§. I I I.

De istis ut recte agatur, generalia quaedam de cohaesione notanda veniunt. Corpus nostrum constat ex partibus solidis sive firmis, & fluidis. In fluidis, sive humoribus, aqua praecipue, fluiditatis principium, abundat. Sed ipsae quoque firmae non elementis salino tantum phlogistico & terreo, quorum terreum primaria est firmitatis basis, constant; verum haec ipsa per intermissionem aquam ita debite temperantur, ut justa inde producatur cohaerentia. Si jam unum alterumve, aut firmitatis aut fluiditatis, principium exceedat, aut deficiat, oritur vitium in cohaesione. Si aquosum elementum luxurietur, cohaesio minuitur & debilitas nascitur; si minuatur, augetur cohaesio & rigiditas nascitur, major quidem pro majori clementi terrestris proportione (d). Si talis rigiditas in partibus ad motum articuli pertinentibus locum habeat, hæ minus flexiles

mo-

(c) Vid. *Ibid.* §. 60.

(d) Vid. *Ibid.* §. 130. seqq.

motui non satis obtemperant, & oritur immobilitas, pro diverso rigiditatis gradu major minorve. Quin, si vehemens fuerit, ipsa ligamenta caeteraeque partes indurantur, ossescunt, & linimentum Haversianum, glutinis vices agens, ossa jungit; quae ita concrescunt, ut nullâ arte in posterum separari se patientur: immo ipsa ~~an~~ ungia ossescit, & aliquando quasi lapidescit.

Aucta proinde cohaesio tetricimi illius vitii proximam constituit caussam, sive ipsam Ancylosin proxime efficit: quam vero causam proximam ex variarum remotarum serie conflari, e dictis constat, de quibus ergo singulatim videbimus.

§. I V.

Caussae Remotae hujus, ut aliorum morborum, vel *Proegumenarum*, vel *Procatarcticarum* nomine veniunt.

Videamus jam de posterioribus, quae causarum quoque Occasionalium, sed alibi Potentiarum nocentium, titulo insigniit summus inter recentiores Pathologos GAUBIUS (e). Has commeditatis ergo in *Communes* & *Topicas* dispesco.

§. V.

Caussas Procatarcticas communes dico, quae, omnibus vulgo hominibus competentes, in corpore tamen ad aencylosin singulariter disposito tristem hunc effectum excitant. Quo faciunt

Res

(e) *Ibid.* §. 59, 76.

DISSESSATIO DE ANCYLOSEOS

Res non naturales; et quidem ~~in sequendo aliis non solum~~
1º. Aër frigidus, qui corpora densat, fluida compingit, solida
rigidiora & magis elastica reddit, motus fluidorum intestinos mi-
nuit, suspendit; hinc arctantur canales, contentis spatium minui-
tur, augetur resistentia, humores coguntur, inertes, immeabiles,
in stases redduntur proni; in robustis exercitatisque mutua inter so-
lida & fluida actio, attritus, calor internus augetur, circuitus,
coctio, attenuatio, dissipatio intenditur; debilibus autem & otiosis
ob constricta vasa & humorum lentorem imminuitur circulatio,
decrevit calor nativus, vis vitalis, omnes functiones torpent, &
suppressis evacuationibus, non defaecantur humores, unde acre,
mucus, aqua augetur, & hinc varii nascuntur morbi articulares.

Conf. GAUBIUS (f).

2º. Subita nimis atmosphaerae mutatio, calidae in frigidorem, aut
vicissim, frequens prae reliquis dirissimae hujus calamitatis mater est.
Ubi humores & partes C. H. solidae, frigidiori aëri assueta, ca-
lori subito exponuntur, corrumpuntur, & gangraena sphacelusque
in iis nascitur. Ubi contra, calidiori atmosphaerae assueta, mo-
mento subinde citius frigore corripiuntur, inspissantur humores,
contrahuntur, constringuntur solida illos vehentia, unde aequabi-
lis cessat humorum motus & circulatio, hinc obstrukiones, inflam-
mationes & multifariae earum sequelae enascuntur. Hinc intelligi-
tur, quare omnis subitanea tempestatis & climatis mutatio sit peri-
culosa.

3º. In-

(f) L. c. §. 426, 427.

3º. *Ingesta, in quibus principium terreum abundat.* Haec enim, ni motu animali vincantur, primas vias onerant, difficulter digeruntur, alvum constipant, auctaque in nostris humoribus per chylum nimis terreum terrae quantitate, partibus fluidis, hinc necessario etiam solidis, cohaesionem augent, quietem, inertiam, spissitudinem, rigiditatem, concretiones varias, obstrukiones, & hinc innumera mala, totidem Ancylosoeos caussas, producunt. Conf. GAUBIUS (g). Nocent in primis autem stimulantia: quia, aucto circuitu, subtiliores nostrorum humorum partes dissipant, obstrukionesque creant. Hoc itaque nomine spirituosorum, aromaticorum, condimentorumque abusus Ancylosi favet. Haec ratio, cur ebriosi ante senium senescant.

4º. *Nimium Venoris exercitium multum huc facere, vel dubitaverit nemo, qui perspiciat, hinc tenuiores humorum particulas, ipsosque spiritus, difflari, remanentibus crassioribus.* Semen praeterea est liquor balsamicus admodum, quo itaque exhausto, humorum acrimonia non satis involuta extricatur, per totum corpus diffunditur, adeoque & articulos afficit: ne quid dicam de muscularum inertia & atonia, quam nimiae excretiones seminis inducunt, cum omnium motuum languore.

5º. *Vitae genus laustum, otiosum.* Hoc enim oleum atque mucosum & glutinosum in humoribus augetur, unde oriuntur visciditates, infarctiones, obstrukiones, rancores, variae acritates; hinc

et

(g) Ibid. §. 472.

6 DISSERTATIO DE ANCYLOSEOS

et constrictiones, spasmi, vel e contrario torpor & inertia, variae concretiones, quae omnia huc conferunt. Hisce solidorum actio minuitur, motus adeoque humorum retardatur, calor internus minuitur, circulatio, secretiones non rite procedunt, crasis humorum vitiatur, elementa secedunt, tenuior pars per vasa propellitur, crassior stagnat, unde errores loci, nutrimenti, obstruktiones, variae iterum acrimoniae, inflammations, Ancylosi faventes, enascuntur. Graphice, pro mote suo, hujus vitae generis effectus recensuit GAUBIUS (b).

Huc etiam referri potest muscularum & ligamentorum membra cuiusdam quies: quae caussa est, quod in infantibus variolosis, quibus manus ligatae diu manent, ut intervertatur scalpendi facultas, subinde Ancylosis in cubito enasci deprehensa fuerit.

6°. *Vita laboriosa nimisve exercitata* haud minus favet Ancylosi, quia humores attenuat, rarefacit, actionem solidorum in fluida auger, unde horum pars tenuior dissipatur, spissior remanet, stagnat; quae, ut ante jam patuit, maxime huc faciunt. Nocet et hoc vitae genus vel exinde, quod homines labori assueti saepe corpus calidum frigori subito exponant, unde rheumatismum contrahunt, de quo postea. „*Musculis nimiſ exercitatis, eveniunt laſſitudo, debilitas, tremor, dolor, spasmus, impotentia ad motum, monente Pathologorum principe (i).* Hinc ante aetatem senium provocatur, aucta quippe solidorum rigiditate,

7°. Opis

(b) Vid. Ibid. §. 513.

(i) Vid. GAUBII *Inst. Pathol. Med.* §. 512.

7º. *Opificia.* Opifices enim diversi, ut reliquis, ita et huic morbo haud raro patent: metallici imprimis, qui genubus saxonixi laborant (*k*); tum omnes illi, qui ex aere calidiori mox in frigidorem se conferunt, v. g. pharmacopoei, pistores, fabri ferrarii, immunes ab Ancylosi non sunt habendi; ita et bajuli gravia pondera portantes humeris, scalas altas & gradus saepe onerati adscendentes, & similes alii, quorum haud rarus morbus esse observatur fractura Patellae (*l*), ex qua quam facillime oriri possit Ancyloseos causa, non est quod multis adstruam. Ab onerum gestatorum pressione quid simile iidem experiantur, posthac videbimus. Eadem vitio obnoxii sunt sartores, futores, omnesque, verbo, artifices, qui eodem semper membrorum in situ opus faciunt. Hinc et homines litteratos, helluones librorum, studiis, nullo i termixto corporis motu, nullaque animi relaxatione, inhaerentes, chartas noctes diesque volutantes, eidem esse obnoxios, tum ob perspirationem suppressam, tum ob motum corporis minorem, conferendo jam dicta cum iis, quae adhuc dicenda habeo, facile elucescit.

8º. *Perversa medicatio*, ut in aliis, ita et hoc in morbo tristissimam mali relinquit *ανάμυνσην*. Si e. g. debili leviter membro applicentur nimia copia nimisque diu spirituosa, acida, terrestria, resorbentia, aromatica, adstringentia, aliaque, vix ullum remanet dubium, quin, aliquamdiu protracta perversa ista medicatione, debilitati

(*k*) Vid. PLATNERI *Inst. Chirurg. Rat.* §. 1215. Nov. Edit.

(*l*) Vid. CLAR. CAMPERI *Diss. de Fract. Patellae Franeq.* 1754.

tati successura sit rigiditas, adeoque et ipsa tandem Ancylosis hinc nascatur, vel ejus saltem diathesis. Haec quoque caussa, cur ex cicatrice minus recte inducta toties oriatur Ancylosis. Indidem fit, ut reductam fracturam saepius excipiat Ancylosis; quia nempe, ubi deligatio fit, motus minus bene aut violenter nimis instituitur, aut plane negligitur; unde ligamentorum distractio, axungiae dissipatione, vel accumulatio, nimius attritus, inflammatio, aliaque oriuntur. Eadem ratione luxationes reductas immedicabilis non raro excipit Ancylosis.

9°. Ut perversa, ita et *neglecta* plane *Medicatio* ut plurimum nocet. Ubi e. g. in inflammatione, vulneribus, rhachitide, luxatione (*m*), fractura, in primis prope articulum, medicatio negligitur, non possunt non serius ocyus dirissima hinc mala, motum articulorum turbantia, produci.

§. V I.

Cauſas Procatarcticas Topicas voco, quae in singulares quasdam corporis partes directe vi sua nociva operantur: quo referendae videntur,

Io. *Vis distractens*. Saepe fit, ut quaedam H. C. pars, quacunque demum de cauſa, valide distractahatur, aut nimis extendatur. Dum jam omnem canarium distractionem sequitur capacitatis immunitio,

(*m*) Conf. Act. Phys. Med. Vol. VII. Observ. 40. pag. 108.

nutio, mirum non est, hinc oriri obstructionem, suo titulo ad causas proëgumenas nostri mali referendam. Molliores praeterea partes rumpuntur, aut tonum amittunt, unde oriuntur humorum effusiones, & musculi ligamentaque suis muniis obeundis non sunt, contrahi rite negant, & proinde distracto articulo, aut distractis musculis eum regentibus, motus destruitur. Patet adeoque ex dictis, quantum errent illi, qui articulorum rigidorum incurvationem valida distractione corrigere tentent.

II. *Vis Comprimens*; quorsum contusionem, iectum, lapsum refero. Quuin etenim pars quaepiam valide comprimitur, compressis nervis perit motus muscularum ligamentorumque, & pars tonum amittit; compressis vero vasis secretio & resorptio minuitur. Per compressionem praeterea ossium apophyses & epiphyses insigniter latescunt & expanduntur; quod facilius in juniore aetate, ossa habente molliora, fieri deprehenditur. Et talem quidem expanduntur in modum, ut axungiam e cavo, quod occupat, expellant, ipsius cavi latera atterant, partesque vicinas valde distrahant. Unde varia ratione vis comprimens producenda Ancylofi apta est: quo nomine & claudicationes huc facere, videbimus. Intelligitur hinc, quare Ancylosin spinae patiantur quam maxime bajuli: onere etenim deorsum premuntur nonnulla vertebrarum corpora, vel spinae, sibique invicem, ut et processus laterales, apprimuntur, detritoque vel depravato periosteo ex ossibus exsudat lympha nutritiens, glutinosa; exprimitur majori copia linimentum Haversianum; per novos, qui enascuntur, fibrarum ordines rigescunt ligamenta,

DISSEMINATAE ADOCTA DISSERTATIO DE ANCYLOSEOS

dum eodem in statu remanent vertebrae & successice concrescunt (n). Hic porro de vi contundente agendi locus esset, nisi infra de ipso contusionis effectu paullo prolixius verba facere constituisse.

III. *Vis Contorquens.* Omnibus articulis determinati competit motus; ita Enarthrosi & Arthroiae motus rotatorius, extensorius tantum Ginglymo competit & flexorius (o). Si jam in Ginglymo motus rotatorius tentetur, non moleste affici nequeunt distrahique partes vicinae, quae tonum amittunt, vel disrumpuntur, dum tenuior limimenti articularis pars dissipatur; quae omnia totidem constituunt affectiones, producendae Ancylosi aptissimas. Mirandum proinde, quod in infantibus, inter se mutuo ludentibus aut conflictantibus, hac de causa productam Ancylosin non saepius deprehendamus.

IV. *Vis urens, rodens, item scindens,* huc referendae videntur: quoniam hae vires ossium deradunt superficies, continuique solutionem efficiunt; unde laeduntur vasra, scindunturque aut moleste saltet afficiuntur nervi & vellicantur. Hinc paralyysis enascitur, aut dolent vicinae partes, laeduntur, convelluntur; sive enascitur Ancylosis: aut ipsa disrumpuntur ligamenta, quam rupturam synoviae effusio sequitur, & articulus moveri negat. Nocent praeterea vel et hinc, quod varias producunt ossium excrecentias, quae inter conjuncta ossa procrescant, eademque conferruminant; vel et callo-

(n) Vid. *Act. Phys. Med. Vol. VIII. obs. 124. pag. 452. seqq.*

(o) Vid. *Diff. Acad. mea de Ancylosi §. IV. pag. 5. seq.*

sem producunt materiem, eidem pariter vitio producendo idoneam (p).

Omnes praeterea memoratae caussae hoc habent commune, quod dolores, fracturas, luxationes, inflammations, vulnera aliaque infinita, infra caussis annumeranda, producant, aut producere saltem possint, mala.

§. V I I.

Transeo ad Caussas Proëgumenas, sive Praedisponentes, quae clar. G A U B I O (q) Seminia dicuntur. Sin vero seminum dicere velis omnem ejusmodi in corpore diathesin, quae vergat facile in morbum, nondum vero morbi plene formati habeat malitiam, causas ancyloseos proëgumenas distinguere apte poterimus in *Seminia Naturalia*, *Seminia Praeternaturalia*, & *Conditiones vere morbosas*.

§. V I I I.

Ad *Seminia Naturalia* an ipsam referemus C. H. naturam, tamen quippe, qua Akylooseos simus capaces, & sine qua articulorum nulla obrigescientia dari posset? Ita quadam tenus per naturam huc apti & dispositi dici possemus, & seminum omnibus commune foret. Attamen ita unice conditio hujus morbi capax habetur, sed quae contrarii etiam vitii, nimiae laxitatis, nos aequa capaces reddit; & perfecta corporis sanitas mediocritate admirabili, ut omnis

(p) Vid. T R Y O E N Obs. Med. Chir. fascic. pag. 130. seq. Conf. Tab. II, 12.

(q) In Inst. Pathol. Med. §. 75. coll. 606 — 622.

DISSESSATIO DE ANCYLOSEOS ..

virtus in vitiorum quasi medio consistit, utitur & gaudet. Naturale ergo seminium certi alicujus morbi *commune* admitti nequit; dantur tamen *propria*, per quae alii aliis naturaliter magis in hunc morbum proclives sunt.

§. IX.

Quod ad naturalia ejusmodi seminia pertineat

I. *Sexus virilis*, haud mirum est: in quo quippe corpus firmius est, solida rigidiora, strictiora, fluida densiora, quae singula huic morbo favent.

II. *Temperamentum melancholicum*: in quo principium terreum abundat, unde turbantur facile secretiones & excretiones, in primis linimenti articularis; & in quo obstrukciones, concretiones omnium frequentissime deprehenduntur.

III. *Aetas senilis*. In hac etenim pereunt vasa & obliterantur, solidorum quantitas augetur, fluidorum minuitur, impeditur respiration, pulmones sanguinem transmittere, ut quondam, negant; hinc impeditur circulatio, oriuntur ecchymoses, stagnationes, obstrukciones in vasibus; hinc nec secretiones rite procedunt, contenta cum vasibus concrescunt, inspissatur smegma articulare, ab impedita diluentis vehiculi secrezione, dum nihilo minus caufa dissipans agere pergit; rigescunt ligamenta, rigescunt musculi eadem de caufa; concrescit porro synovia cum articulo ipso, quo continetur, in cartilaginem vel os indurescit; sicque Ancylosi spuriae vera super-

ver

venit. Eleganter proinde & graphice GAUBIUS (r) „*In corpore senili, inquit, solida siccescunt, tubuli concallent, nervi marcent, vis vitae ac movendi sentiendique facultas elanguescit, circulatio torpet, calor nativus defervet, excretiones tardescunt, humores mucosa, salina, terrea faece impuri, subtilioris materiae defectu vappidi, vitiantur*“. Legi hac de re omnino meretur venerandi senis, clar. J. OOSTERDYKII SCHACHT, quo Praeceptore aestumatissimo & studiorum in Trajectina Academia duce usum fuisse honori mihi duco, Oratio de *Fato senili inevitabili*.

§. X.

Dum *Seminia Naturalia* ancylooseos nobis erant, quae ipsa natura humana, etiam optime sana, sponte habentur; secundo nunc *Praeternaturalia* erunt appellanda, quae, licet necdum morbum plene formatum sui nominis exhibeant, a sana tamen ipsius naturae conditione & operatione jam deslectant. Huc pertinet

I. *Corpus debile*: tale videlicet, ubi fluida N. C. excedunt, adeo ut cohaesio justo minor sit. Haec obrigescentiae seminum, ut ut prima fronte contraria videatur, constituit: quoniam debiles musculi & ligamenta minima de causa male se habent, a stimulis vel solitis, vel solito vix majoribus in enormes carent motus, spasmodice afficiuntur; aut a motu vel tantillo majori fluida erro-

(r) In *Inst. Pathol. Med.* §. 857.

34 DISSERTATIO DE ANCYLOSEOS

res loci patiuntur, eorumque sequelas, solida etiam distrahuntur, quae omnia totidem titulis Ancylosi favent.

II. *Vitia Linimenti varia, quae commode recensemus sequentia.*

1º. *Ubi Deficit.* Axungiae hujus defectum huc facere, patet, si ad usum ipsius in sanitate attendamus. Eum etenim in finem secernitur, ut facilius ossa ad se invicem moveantur, nec nimium in articulis patientur attritum. Si jam deficiat ille latex, difficulter moventur ossa, eorumque superficies multum deteruntur, adeoque, nullo corpore intermedio, alterius ossis cum alterius substantia sensim confluit, & hinc utraque enascitur obrigescientiae species, tum spuria, tum vera. Multum praeterea, ob notabilem, quae excitat, inflammationem doloremque, hic defectus nocet.

Aliquando tamen provida Natura hunc defectum supplet ossium **extrema**, crusta cartilaginea iam privata, adeo expoliendo, ut lubrice fatis supra se invicem prolabantur, adeoque pro tempore saltem Ancylosin praecavet; quod e variis, tum in Clar. PROMOTORIS, tum mea collectione, ossibus morbosis mihi constat.

2º. *Quando nimias continet particulas serosas, etiam producendae Ancylosi favet:* siquidem resolvuntur linimenti partes, adeoque effusiones, hydropses articulorum producuntur; unde vicinae partes extenduntur, ligamenta musculique flaccescunt, debilitantur, & ad motum redduntur inhabiles. Serum praeterea acre redditum periosteum, ligamenta, tendines, musculos, partes internas articulis nonnullis proprias, verbo, omnes partes vicinas irritat,

pungit, corredit, inflammationes, ulcera aliasque infra memorandas
Ancyloseos causas producit.

3º. *Muci inertis quandoque obruitur copia.* Hic mucus motui nocet quam maxime, tum, quia orificia, vel ductulos folliculorum arteriolarumque obstruit, secretionemque linimenti boni impedit; in primis autem venularum resorbentium obturat oscula, sicque linimenti impedit absorptionem, stagnationemque producit; tum et, quia brevi vel exsiccatur, ac impedimento est, & quasi glutinis agit vices, vel corrumpitur, suaque labe vicinas partes inficit.

4º. *Nimias aliquando continet partes glutinosas,* quo fit, ut nimis inspissetur, ut resorptio, saltem partis crassioris, impediatur, unde gluten augetur & colligitur in cavo articuli, quod tenaci spissitudine motum impedit, vel ossa conferruminat, vel denique stagnatione acrimoniam contrahit, partesque vicinas inficit, vel destruit.

5º. *Oleum,* huic linimento constituendo dicatum, vel *iminuitur*, vel plane *deficit*, sicque ejus crasis solvitur, stagnat pars crassior, dissipatur tenuior; adeoque, quod ex iis, quae dicenda adhuc supersunt, clarius patebit, motus vel imminuitur, vel plane tollitur.

6º. *Vel Axungia cum alio succo miscetur:* qui, si acris fuerit, ligamenta, cartilagine, ossa, verbo, omnes partes articulum constituentes, corrodet; si blandus, nimia saltem accumulatione nocebit, axungiam diluet, ligamenta laxabit, vel et arterias, maxime venas resorbentes, intrabit, eas obstruet, sicque supervacui humoris resorptionem impedit.

Multo

7º. Multo magis noxium est, si *Corpora heterogenea* alia continet, qualia sunt materies calcarea, cretacea, cartilaginea, topacea, calculi: quae tunc vel rodendo, vel comprimendo, vel irritando, aut alio quocunque modo Ancylosin dispositis satis facile conciliabunt.

8º. *Ubi stagnat* illud linimentum, ibi solvitur crasis ejus, pars tenuior collecta hydropem facit; vel crassior motum impedit; quin ossa conglutinat; duratur in tendineam, cartilagineam, imo osseam substantiam; unde impeditur motus, augetur attritus: vel et stagnans acrimoniam contrahit, unde ligamenta capsulaeque corroduntur, adeoque imminuitur motus; hinc luxationes, rhachitides, abscessus, dolores, ulcera, fungositates, producuntur, ossa carie comeduntur, fragilia redduntur, adeoque facile franguntur, item porosa & aspera redduntur, dum variis excrescentiis tuberculisque, a spina ventosa, a carie oriundis, obsidentur. Quae omnia, ut pote totidem Akylooseos caussae, in posterum erunt memoranda.

9º. *Nimia* tandem aliquando *copia* *secernitur*, vel non rite reforbetur. Inde accumulatur, articulo sua quantitate oneri est; ligamenta capsulaeque praeternaturaliter distenduntur, in partes vicinas articuli agunt, imo et tenuior pars dissipatur, retinetur crassior; tonum ligamenta amittunt, unde usus eorum impeditur, luxationes oriuntur; suove tandem glutine linimentum ossa conglutinat, sicque motus articuli plenarie destruitur.

III. *Corpora* etiam *cartilaginea*, *ossea*, *calculosa*, vel quaelibet *heterogenea*, *intra articulos delitescentia*, non omittenda vi-

dentur; quorum priora passim memorata leguntur. Ita HENKELIUS (*s*), refert a se observatum corpus cartilagineum ferme, intra articulum poplitis delitescens, $\frac{1}{2}$ pollicem crassum, & 1 pollicem latum, mobile, atque ad 4 pollicum spatium sub musculos femoris aliquando ascendens &, ubi sub patella movebatur, motum impediens. Ossiculum etiam liberum, nucem avellanam aequans, in eodem articulo memorat J. A. H. REIMARUS (*t*): qui et varia a se aliisque observata hujus mali exempla refert (*u*); nec in ullo alio articulo hujus exempla memorata novit. Clar. Promotor VAN DOEVEREN etiam, penes Senatorem Groninganum, tale corpus in eodem articulo deprehendit; eidemque simile vitium in viro laborante hydarthro, inde forsitan nato, observare nuperrime licuit. De calculis articulorum varia etiam observata leguntur. Varios in primis, ex genu foeminae a Chirурgo W. à BOURGOGNIE extractos, vidit C. STALPART VAN DER WIEL (*v*); memoranturque tales a SCHENKIO (*w*). Quae corpora tum sua mole & continua lamellarum appositione directe motum impediunt, tum vasa nervosque comprimendo, ligamenta vicinasque partes distrahendo, tum denique axungiae crasin vitiando, eamque exprimendo, ad Ancylosin contribuunt.

IV. Huc

(*s*) Dritte Sammlung seiner Medicinischen und Chirurgischen Anmerckungen, p. 7. seq.

(*t*) In Diff. de Fungo Ligamentorum, Leid. 1757. pag. 11.

(*u*) Vid. pag. 15, 30. seqq.

(*v*) Vid. Obs. Rar. Cent. I. Obs. 12. in Schol. pag. 61.

(*w*) In Obs. Med. Lib. V. de Genubus, Obs. I. de Calculo, pag. 671. & Lib. V. de Arthritide, Obs. I. de Calculo & Tartaro, pag. 691.

IV. Huc etiam reduci merentur illi casus, in quibus *cartilaginum* extremarum *commissurae* in ipso articulo *tela* quasi *connectuntur*, qualis ab inflammatione in thorace & alibi nasci solet: unde nascitur Ancylosis; quae vi subito illata subinde tollitur. Ita J. A. MEEK'REN (*x*) memorat, brachio hac de causa rigido, irritis fotibus, cataplasmatibus, aliisque adhibitis remediis, lapsu motum usumque fuisse restitutum.

V. Nec omittendus *glandularum Cowperianarum tumor*, quae suam etiam ad dirum hoc mali genus confert symbolam. Tales enim tumores vel insigni sua mole motum mechanice impediunt; vel eundem morbum non nisi auctis demum attritu, ligamentorumque distensione, aliisque hinc enatis malis, sensim sensimque constituunt. De hoc tumore conf. Doct. REIMARUS (*y*).

VI. *Error nutrimenti.* Scilicet secundum leges, a Natura latus, quaelibet pars suum habet nutrimentum proprium, sua organa illud advehentia. Hinc est, quod tendini firmior, quam musculo; cartilagini firmior, quam tendini; ossi, quam cartilagini; denti, quam ossi, apponatur in nutritionis opere materia. Si jam, pro restitutione substantiae deperditae, loco linimenti in articulo secernatur alias humor, aut glutinosus, aut (si ita dicere liceat) cartilagineus osseusve; illa materies articuli motum non tantum impediet, sed & postea cum ossibus articulum constituentibus concrescet, articulum con-

glu-

(*x*) Vid. *Obs. Cap. 64. pag. 297. seqq.*

(*y*) In *diff. cit. pag. 28. seq.*

glutinabit, Ancylosin formabit. De errore nutrimenti pro more
egregie GAUBIUS (z).

VII. *Unius lateris exsuperantia.* Sapiens enim rerum Conditor microcosmum humanum ita construxit, ut partes non tantum quorum paria adfunt, sibi mutuo tum quoad volumen, tum quoad longitudinem, perfecte sint aequalia, nec unum membrum alterum superet; sed ut unius quoque & ejusdem partis latera sibi invicem quodammodo respondeant, Si vero ejusdem partis unum latus magis, quam oppositum, increscat, id, quod magis altero procrescit, cavo illius ossis, cum quo articulatur, valide apprimetur, illique cedere nescio ita accrescat, ut articuli obrigescientia inevitabilis sit. Illud praeterea latus synoviam oppositum versus propellere, ubi tunc accumulabitur, & Ancylosin faciet. Quod unum membrum, opposito magis increscens, huc quoque suam conferat symbolam, dein, ubi de claudicatione sermo erit, patebit.

VIII. *Labes hereditaria.* Si nempe vel alteruter, vel uterque patens, vel avus hoc vitio laborat, quidni et, aequa ac aliorum morborum, in sobolem propagare posset hujus quoque seminium, certo tempore, data occasione, in morbum, Ancylosin, erupturum? Confirmat hanc suspicionem dira Podagra toties hereditaria, eademque producendae Ancylosi aptissima: nec minus singularia nonnulla haud absimilium vitiorum hereditariorum exempla; quale solebat auditoribus narrare clar. GAUBIUS, in quo, certo aetatis

tem-

(z) In Inst. Pathol. Medic. §. 404.

tempore, integræ familiae digitus minimus versus volam manus contrahebatur ob primæ cum secunda phalange Ancylosin. Novit & Clar. PROMOTOR hominem, qui Ancylosi secundi digiti utriusque pedis laborat, idque vitium cum sua matre commune habet. Immo subinde infans in utero vitium aliquod organicum contrahit, ad Ancylosin disponens, dataque occasione in Ancylosin erumpens. Huc v. g. referendum est vitium in cartilaginibus ossium jam pro parte, vel integre, confluentibus, aut nunquam forsan separatis; quale quid in exemplo alibi (*a*) a me ex Actis Parisinis allato adfuisse videtur. Huc etiam caries, debilitas, &c, congenitae pertinent.

IX. Obiter hic etiam memorare liceat *Vitium partu acquisitum*, fracturas, luxationes, distorsiones, convulsiones aliaque, de quibus, utpote conditionibus morbosis, ad Ancylosin disponentibus, singulariter postea agetur. Huc, vel ad prægressam etiam cauſam, referri posse videtur, quam mihi nuperrime comparavi, costarum duarum sinistri lateris in puero Ancylosis inter capita & condylis, ubi nullum prægressæ injuriaæ exstat vestigium.

§. X I.

Inter conditiones morbosas, sive ipsas functionum laesiones, ad Ancylosin disponentes, referri possunt

I. Mu-

(*a*) Vid. *Diss. de Ancylosi* §. XLIX. pag. 52.

I. *Musculorum Ligamentorumque vicia*, quorum ingens est catalogus. Primaria sunt:

1°. *Accuratio*; quae causa est, qua propius sibi mutuo applicantur ossa, unde minus axungiae conceditur spatium, & ossa majorem patiuntur attritum, immobilia redduntur, omnino coalescunt.

2°. *Nimia longitudo*; qua sit, ut flaccescant ligamenta quasi, atque ad motum solitum, multo magis adeoque ad majorem, luxationem patientur ossa, quam inter ossium morbos Ancylosin producentes mox proprius enarraturus sum.

3°. *Spasmus & convulsio*. Utrum spasmus muscularum ad Ancylosin quidquam faciat, & quantum, nemo dubitat. Illa v. c., quae in *Memoires de l' Acad. des Scienc. (b)* memoratur, Ancylosis per solum muscularum spasmodum explicari potest. De motu autem convulsivo forsitan id non ita facile concedent nonnulli, largientes, in ipsa quidem violenta contractione impediri articuli motum; in intervallo autem inter paroxysmos motum expediri, & ad novum usque paroxysmum liberum manere. Hoc aliquando fieri posse, lubentissime fateor, attamen rarissimum esse. Convulsionem enim sequitur atonia; & plerumque aliquid superesse, quod motum impedit, novo iterum paroxysmo provocando idoneum, tantum non confitentur omnes. Motum adeoque convulsivum, aequac spasmodum, praeternaturali articulorum obrigescientiae aptissimum esse, merito statuitur.

Pa-

22 DISSE R T A T I O D E A N C Y L O S E O S

Pariter, Ligamenta violenter stimulata nostro malo cauſam dare posse, facile ſupponendum foret, niſi in hanc ſententiam teſta vibrarent adverſarii. Prolabimur enim hic in celeberrimam, dexterrimos inter Physiologos agitatam controverſiam, an ligamentis ſentiendi facultas attribuenda, an vero deneganda fit? Hanc ligamentis denegare non dubitarunt bene multi; in quibus (quod dolendum) agmen ducit, caeterum eximius Auctor, HALLERUS, qui varia circa hanc rem experimenta ſe instituiſſe, atque inde ſibi conſtitifſe, nullam dari ligamentis ſentiendi vim, strenue affirmat (c). Hanc tamen opinionem, (quam ipſi videntur fatis refellere dolores acutissimi in arthriticis, podagricis, rheumaticis, aliisque articulorum morbis, quibusvis fere hominibus notis, atque ab ipſo SYDENHAMIO (d) & SWIETENIO (e), ipſoque meo Clar. Promotore, hiſce partibus merito adſcriptis,) apte fatis & concinne experimenta refutarunt clar. KRAUSSI (f), ROB. WHYTTII (g), aliorumque (h). Sed & compositae hujus litis & manifeſte demonstratae tendinosarum partium & ligamentorum ſenſilitatis laus attribuenda videtur celeberrimo

(c) Vid. Op. Min. Tom. I. pag. 330. ſeqq. & pag. 441. ſeqq. Conf. Elem. Physiol. Tom. IV. pag. 454.

(d) De Podagra pag. 547. Conf. pag. 548.

(e) Comm. in Aph. BOERHAVII §. 1259. ſeq. pag. 311, ſeqq.

(f) Differt. de ſenſilibus C. H. partibus Lipp. Ao. 1765.

(g) Vid. Physiological Essays.

(h) De quibus consulit egregia Doct. J. A. H. REIMARI Differt. ſupra cit. pag. 14. ſeqq.

rimo Promotori (*i*), quem eximum in Physiologicis aequae, ac Practicis, ducem mihi obtigisse, est quod gaudeam, qui multum huic liti lucis affudit, & agitatae tanti momenti quaestioni optatam (me judice) posuit metam. Quum jam, vim sentiendi quemdam stimulum ligamentis inesse, pateat abunde; haecce organa iisdem, quibus reliquae N. C. partes, quatenus omnes vi contractili quadam, vi vitali, sunt imbutae, similiter morbose irritata, constrictionibus morbosis esse obnoxia, nullus dubito.

Hi autem spasti, & motus convulsivi, ni subito resolvantur, sive musculos, sive ligamenta, sive utraque occupent, membrum accurtant, incurvant, linimentum Haversii dissipant, adeoque motum vel impediunt, vel penitus tollunt.

4°. *Paralysis.* Hanc inter Akyloseos caussas a me referri debere, nullus, credo, negaverit: siquidem constat, ubi musculi moleste afficiuntur, illos subinde plane quiescere, non contrahi, ad motus reddi ineptos. Quum jam predispositioni ad Akylosin accedat paralysis, obrigescit articulus, omnisque ei perit motus.

5°. *Rigiditas nimia* ad Akylosin multum facit, nec mirum. Dictae etenim N. C. partes, ut suas rite peragant functiones, flexiles admodum & molles requiruntur, quae ambo requisita in rigidis absunt. Haec rigiditas a concretione ligamentorum cum vaginis tendineis non raro nascitur.

6°. *Debilis*, (ad quem titulum etiam imbecillitas a morbo nata
referri

(*i*) Conf. Spec. Obs. Acad. Cap. XIV.

referri potest,) huc pertinet: qua sit; ut in motu nimis, quam par est, cedant & distrahantur ligamenta & musculi; unde, si non ossa e suis elabantur acetabulis, motus saltem articulorum depravatur, & tollitur.

7°. *Durities*, quorum chondrogeniam, osteogeniam, aliasque species refero, huc etiam contribuit, ut ex dictis de rigiditate abunde liquet. Osteogeniam Akyloseos caussam aliquando esse, e clavicula, quam possideo, per ossificata & degenerata ligamenta eam cum scapula naturaliter nectentia, cum parte, ut saltem videtur, scapulae nexa, demonstrare possum.

8°. *Tumor ligamentorum* multum nocet: tum, quod tumefacta, minusque longa, ossa sibi mutuo valide apprimant, & ad articuli debitum motum extendi non permittant; tum quod a nimia ossium ad se invicem appressione, vel per ligamenta compressione, sanguinum articulare vel condensetur, vel dissipetur. Merito itaque fungosum ligamentorum tumorem plerumque Akylosin comitari, statuit J. A. H. REIMARUS (k).

9°. *Ligamentorum muscularorumque disruptio* multum etiam ad provocandam obrigescentiam confert; si quidem praecipua motus sunt instrumenta, & maxime quidem musculi, quibus ergo disruptis motus necessario perit. Praeterea, his disruptis, inprimis ligamentis, luxatio producitur, quae motum ut plurimum, regularem ut cunque, tollit. Disruptis denique etiam ligamentis armillaribus,

mu-

(k) In *Dissert.* cit. pag. 23. Conf. pag. 48. in fine.

musculi puncto fixo carent, ex quo operentur, adeoque et sic eantus muscularum functio perit.

II. *Dolor* dupliquidem titulo huc facere videtur. Vel enim suo stimulo partes articulo vicinas irritat, & convulsiones, inflammations earumque effecta producit; vel prae solo dolore articulorum motus impeditur quodammodo, aut tollitur, pro varia parte affecta, varioque sensilitatis in aegro gradu. Nec difficile foret exhibere, quomodo et huc facere possit *Pruritus*: qui omnino aliquid ad hanc immobilitatis speciem conferre potest; rarissime tamen nostrum morbum inducere videtur.

III. *Tumores* nocent, vel quod dolorem excitent; vel quod capsulas articulares comprimant, adeo ut tenuiores synoviae particulas dissipent, remanentibus crassioribus; vel quod, musculos nervosque comprimendo, paralysin inducant; aut vasa comprimendo secretionem, absorptionem, nutritionemque impediunt; vel quod mechanice motum prohibeant, talique in loco ponantur, ut articulus moveri nequeat, v. g. intra articulum, ad poplitem, & alibi.

IV. *Obstruētio* suam non raro nostro in morbo ludit tragœdiam, & varia de caussa nocet: tum, quod ligamenta inepta reddat, nervos vasaque comprimat, & musculos paralyticos reddat; tum, quod dolorem, inflammationem, variasque ejus sequelas producat.

V. *Inflammatio* quoque his causis annumeranda videtur ob sequentes rationes: 1^o. quia dolorifica est; 2^o. quod, stagnante in vasculis articularibus humore, nil nisi tenuis materies fecernatur,

parum vel nihil resorbeatur, nutritio pereat, & hydrarthros formetur; 3º. quod tota illa materies, aut saltem pars axungiae tenuior diffletur, & crassior sola supersit; vel 4º. quod contenta cum vasis concrecant; 5º. quod in suppurationem terminetur.

VI. Nam & ipsa Suppuratio ad Ancylosin haud raro disponit, si quidem vasa, nervos, & ligamenta subinde afficiant: tum, quod inter duplicem ligamentorum capsularium membranam, de qua conf. clar. BONN (1), pus effusum interiorem membranam in articuli cavum protrudit, adeoque necessario axungiam expellit, vel condensat; tum denique, quod linimentum inspissat, glutinisque vice fungens ossa conferruminat.

VII. Nec excludenda censeo *Ulceræ*: quae nocent, partim, quia acri, quem continent, latice ossa articulosque, & vicinas eorum partes, corrumpunt; partim, quia vasa, nervos, musculos, ligamentaque afficiendo, convulsiones paralyzesque creant; partim, quod, effuso intra cavum articuli acri humore, capsulas distendunt, quod quantum noceat, ubi de Ichore dicam, patebit; partim, quoniam non raro glandulas COWPERI indurant & scirrhosas reddunt; partim, quod ipsas omnino destruunt, unde illarum usus, smegmatis scilicet secretio, cessat; quod denique similia vicinis partibus mala inducunt, vel eas destruunt. Huc referendum videtur exemplum Ancylosoeos cubiti inde natae, quod materia e parotide glandula

(1) In egregia *Comment. de Humero Luxato*, pag. 3. Conf. *Dissert. de Continuationibus membranarum*, §. 29.

dula suppurata per collum & humerum descendens, & ad cubiti flexuram delata, ibi ligamenta corruperit (*m*).

VIII. *Scirrhus* & *cancer* huc etiam faciunt: 1º. siquidem articulares glandulas secretionis muniis reddunt ineptas; 2º. quoniam nervos, vasa, musculos, ligamenta comprimunt, vel distrahunt; vel mali sui indole inficiunt; 3º. quod varias obstrunctiones, nec raro atrophiam producunt; 4º. quia irritatione sua dolores horumque symptomata excitant; 5º. denique mole sua motum articuli immediate impediunt.

IX. Nec non *Gangraenam* huc referre ausim sequentibus de causis: 1º. quod partes moliores, tum ossa ambientes, tum ad articulum tendentes, vasa, nervos, musculos, etiam glandulas & ligamenta, destruit; 2º, quoniam humores corrumpit.

X. *Sinus* pariter et *fistulae* non omittendae: quae dolores provocant; instrumenta sensus & motus invadunt aut destruunt; ossibus cariem inducunt; materiem acrem in articuli cavum infundunt, sua quantitate ligamenta distrahentem, partesque articulum constituentes corrodentem.

XI. *Vulnus* quoque ad articulorum obrigescentiam disponit. Vel enim inflammationem doloremque gignit; vel materiam acrem non raro continet, in musculos non tantum, sed et in partes vicinas, vasa, nervosque maiores, glandulas, ligamenta, ipsa ossa,

pe-

(*m*) Vid. SWIETENII *Comm. ad Aphor. BoERU.* §. 406. Tom. I. pag. 705.

pestiferum emittentem virus, eademque rigefacientem, erodentem; vario modo corrum pentem; aut eadem laxantem, debilitantem, adeoque & ad rhachitidem disponentem; vel ex vulneribus fungi aliaeque excrescentiarum species nascentur, motum impedientes; vel fasciae vulneribus circumdatae strictura motum & linimenti secretionem impediunt; aut tandem vulnera, enatis emphysematibus, Ancylosi favent. Inprimis autem huc faciunt vulnera venenata, arti toties indomabilem paralyssin excitantia; nec non vulnera sclopeteo illata, quae contusio insignis & fractura nonnunquam comitantur. Notabilem atlantis & epistrophes Ancylosin, a vulnere sclopetario relictaque glande plumbea ortam, adtuli in Dissertatione Academica (*n*). *magis acutissimum levior est in articulo*

XII. *Contusionem* minime excludendam esse, vel sponte oculos incurrit. Nocet tum contusio simplex, tum composita, tum ad ipsum articulum, tum in locis ab articulo remotis facta. *Simplex contusio* nocet, quod saepe ecchymoses producit humorum, qui in quadam parte stagnant, adeoque vicinas comprimunt; aut per stagnationem acres redditii nimis stimulant, contractionibus violentis ansam dant: a quibus symptomatibus pessimas obstrukiones, earumque sequelas, aliaque bene multa produci posse, liquet. Multo magis autem nocere *compositam* contusionem, abunde patet; siquidem eo in casu cauffarum numerus augetur. Liquet hinc, contusionem non tantum in articulo, sed vel in re-

mo.

(*n*) Vid. §. XXIII. pag. 21. 22. Cf. Tab. I. Fig. IV.

motissimis ab articulo locis nocere; quum nempe partes ad articulum tendentes, musculi, vasa, nervi comprimantur, vel et alio modo laedantur.

XIII. De *Eccymosi* jam, in vulneris & contusionis historia, satis egi prolixo, ut bis acquiescam.

XIV. *Ichor, meliceria, hydrops articulorum*, Ancylosi creandae favent: vel inde, quod tumens articulus & acri humore distensus (*a*) motum negat; vel exinde, quod maceratis erosisque epiphysibus harumque catilaginibus, succedit ferrumen callum mentiens, ligamenta distrahens & motum impediens. Hoc ferrumen a callo in eo differt, quod non e vasis fracti ossis disruptis, sed e fibris ossibus destruetis, enascitur. Hinc productam inter radium, carpum & offa metacarpi quatuor priora Ancylosin observavit TRIOEN (*p*).

XV. *Rheumatismus*, a frigore corpori calido, subito applicato, nocet, ob dolorem, vasa constricta, circulationem impeditam, secretiones, excretiones & resorptionem turbatas, unde synovia stagnans nonnullas mutationes (*q*) memoratas, hic facientes, subit. Ex hoc rheumatismo caussam derivat ill. SWIETENIUS, cur horum

(*a*) Quae distensio aliquando insignis est. Ita doct. REIMARUS *Diff. Ctr.* pag. 26. dicit, se capsam articularem genu ultra trium supra patellam pollicum spatium hinc distentam vidisse.

(*p*) Vid. *Obs. Med. Chir. fascic. pag. 128. Tab. IX. Conf. HEISTERI Inst. Chirurg. Ed. Belgica Tom. I. Lib. II. Cap. I. de Fracturis pag. 195.*

(*q*) Vid. §. X. N. II. 80. pag. 16.

tulani & agricolae Ancylosi haud raro laborent (*r*); quam in eo esse censem, quod corpus antrorsum inflestant, unde tunc spina aestate incalescit, & a cadente pluvia madentibus inducio aliisque vestibus subito refrigerata rheumatismum contrahit, hineque immobilitas, & plenaria tandem ossium concretio oritur, dum spina inflexa manet, & gibbositas, nec arti, neque naturae sanabilis, adest.

XVI. *Arthritis* ad Articulorum rigorem disponit: 1º. quod oritur tantum non semper, a cauissimis diathesin ad immobilitatem constituentibus, v. g. rerum non naturalium abusu, rheumatismo, &c.; 2º. ob insignem, qui eam comitatur, dolorem, motui minus faventem; 3º. quia intemperies arthritica partes molliores corredit, ossa corrumpit, inflammaciones producit; 4º. quia nodos, tumoresque tophaceos, immo veros calculos (*s*), ad articulos exserit, ita positos, ut motum directe non impedire nequeant, aut partes molliores comprimant, adeoque paralyсин aliaque producent; vel tandem, quia enati intra articulum tophi nodique, ligamenta rigesciunt, vel distrahunt, & luxationi ansam dant. Ex arthritide enatam Ancylosin vidit non semel PAVVIUS (*t*).

XVII. *Scorbutus* hic quoque in censum venit, quia acrimonia sua & cacochymia humores inficit, aequabilem elementorum mixtionem

(*r*) Vid. *Comm. ad Aph. BoERRH.* §. 1492. Tom. V. pag. 658, 659.

(*s*) Vid. §. X. N. III. cum locis ibidem citatis.

(*t*) Vid. BONETI *Sepulchr. Anat. lib. IV. Sect. 6. Obs. 4. §. 1.* pag. 429.

tionem destruit, ligamenta corrumpit, infarctiones, inflammationes, spasmodicos insultus creat, ossa corrodit, quin et antea fractorum callum destruit, & ex corrosa ossium superficie varii generis producit excrescentias, unde motus impeditur; quin, destructa externa ossium lamella, ea conferruminat; nec raro in gangraenam terminatur.

XVIII. Peior longe scorbuto, *Lues Venerea*, eadem, aucta tantum intensitate, producit symptomata.

XIX. Huc faciunt ipsi *Ossium Morbi*; quo pertinent

I^o. *Atrophia*. Ossa nimirum, ut reliquae C. H. partes, ut suarite peragant functiones, debitum exigunt nutrimentum. Ubi jam satis materiae nutrititiae ad ossa non accedit, eorum cohaesio minuitur; ita ut facilissimo negotio ab adjectis proxime musculis comprimantur, incurvantur, frangantur. Ubi vero satis magna quidem quantitate nutrimentum ossibus apponitur, sed idem illud minus aptum, aut vitiatum fuerit, praeter dicta, materia nutrititia intra ossa stagnat, acris fit, ossa erodit, cariem, praesertim paedarthrocaecen, & alia mala plurima, generat. Ubi haec in juniore aetate obtinent, ossa nondum satis evoluta, deposita in extremis materiae copia, defraudatis corporibus, incurvantur, complanantur, ad extrema intumescunt, rhachitis, varia gibbera, exostoses nascuntur, capita ossium a corporibus separantur, & cum suis acetabulis concrescere subinde videntur: quod saltem ex osse humeri adulti hominis, quod affervo, & cum quo capita radii ulnaeque confluxisse videntur, concludo. Ossa praeterea in adultis non satis,

vel

32 DISSERTATIO DE ANCYLOSEOS

vel minus bene, nutrita, mole minuuntur: adeo ut vel longissimorum C. H. ossium corpora digitum minimum crassitie aequent, non multum sane superent; quod eximiis, quae penes me sunt, exemplis adultorum ossium demonstrare possem: unde necessario motus impeditur. Nascitur porro universalis atrophia, corporis incrementum impediens, & depravatis solidis, depravatis etiam vel partim, vel penitus, fluidis, macies, tabes, cachexia corpori inducitur; quibus haud raro febris hectica sese comitem adjungit; serius ocyus mors tragediae obducit cortinam. Huic eidem caussae mollities ossium, de quo alibi (u), verbo egi, deberi videtur, imminuta ab humorum acrimonia cohaesione. Et hinc derivo, quod asservo & hic omnino ob singularitatem memorare compellor, femoris os sinistrum, cuius caput non, ut solet, cum collo angulum format, sed recta e corpore ossis ipso adscendit, quodque variis gyris mirifice contortum est, quod actioni muscularum in hoc os, antea mollius, attribuo.

2^o. *Rhabditis*, quae frequens est in junioribus morbus, raro, si unquam, in adultis observatus, Anglis familiaris, & hinc *κατ' εξοχήν Anglicus* dictus, atrophiae admodum affinis; sub quo ossa insigniter mollescunt, latescuntque, ad extrema intumescunt, ad motum figura mutantur; & hac de causa in altero articuli latere multum aliquando a se mutuo distant, adeo ut vel validiore paullulum motu luxentur ossa; in opposito latere ita sibi mutuo apprimuntur,

(u) In *Dissert. de Ancyloſi* §. II. pag. 3. Not. c.

ut ipsorum aliquando superficies deterantur, ossaque invicem concrescant. Nocet etiam rhachitis, quoniam epiphyses, a corpore ossis solutae, nullam ossi relinquunt stabilitatem, motumque hoc pacto impediunt: tum et, quoniam eadem epiphyses, nimium turgidae, intra acetabula sua moveri negant, & cum iisdem tandem concrescunt. Nocet porro, quia, ubi duo ossa sibi mutuo adstant, ut v. g. in crure, in cubito, latitudine aucta facile coalescunt; quod ex tibia fibulaque insigniter a rhachitide incurvis, fibique in parte ferme media novo quasi articulo, arthroiae forma, mutuo applicatis, aliisque, quae possideo, conjicere licet. Maxima tandem, quae eam comitatur, cacochymia, ligamenta vitiando, partesque vicinas moliores, ipsa ossa inficiendo, sanguis inspissando, coagulando, Ancylosi favet admodum. His accedunt alia, in rhachiticis praesentia. Nempe difficultas motus voluntarii; unde vel decumbere, vel sedere per longum tempus miseri coguntur infantes: accedit respiratio difficilis, cum obstructione glandularum; unde ossa in articulis non satis mota quiescunt, rigescunt fibrae; inspissatur linimentum Haversianum & glutinis vice fungitur; destruitur per natam humorum acrimoniam periosteum; affluit ex ipsa ossium substantia copiosa lymphae corruptae tenacis quantitas; oriuntur novae, variae directionis, fibrae. Ita nonnulla thoracis ossa inter se concrescunt. Grave insuper caput voluntario motui vix obedit, cum parte cervicalis, vel tota cervice concrescit. Conf. *Acta Phys. Med.* (v), ubi rela-

tam

(v) Vol. VIII. Obs. 124. pag. 452. seqq.

tam magnae spinae partis cum cervice Ancylosin jam olim memoravi (w).

3°. *Variae gibberum species*, quae vulgo tres recensentur. *Cyphosis* nempe, sive incurvatio spinae posteriora versus; *Scoliosis*, ubi spina latera versus incurvatur; & *Lordosis* denique inflexionem spinae priora versus, in qua spina a posteriore excavata est, denotat. Harum singulae suam ad Ancylosin conferunt symbolam.

Cyphosis & *Scoliosis* huc faciunt: siquidem, ubi posteriora versus inflectitur spina, corporibus interjectae cartilagines, quin magna ipsorum corporum pars, deteruntur, plane destruuntur, aut et concrescunt vertebrarum corpora; immo ipsae costae sibi mutuo appressae coalescunt; tum et, quia musculi dorsales valide distrahuntur. Ubi autem in latera ineurvatur spina, eadem obtinent, eas tantum cum differentia, ut non tantum corpora vertebrarum, sed et processus transversi multum inde patiantur & invicem confluant. Eodem plane modo nocet *Lordosis*, nisi quod dorsales musculi non distrahantur, sed e contrario laxentur; nec tantum corpora vertebrarum, sed arcus, omnesque processus ita coalescant. Dicta haec de gibbositatibus, tanquam ad Ancylosin disponentibus, e plurimis, partim antea memoratis (x), partim aliis, tum e propria, tum ex alienis Collectionibus, desumptis speciminibus, si per otium liceret, demonstrare possem. Inprimis autem reticere non debeo

exi-

(w) In *Diss. Cit. de Ancyloſi*, §. XXII. pag. 21.

(x) Vid. *Ibid.* §. XXIX. pag. 29. seq.

eximiam, quae huc facit, mihique, ut ita dicam, nuperrime manus incidit, duarum vertebrarum cervicis, omniumque dorsi, cum duodecim costis, integris adhuc, & sex saltem aliis abruptis, trium denique vertebrarum lumborum, Ancylosin, ex adulti, admodum gibbosii, hominis cadavere oriundam. Ex dictis gibberum speciebus insuper paralysis enasci potest, quo etiam nomine ad Ancylosin faciunt. De variis gibbositatibus conf. Doct. C. H. A Roy (y) & G. COOPMANS (z), nec non clar. Chirurgi P. POTT supplementum ad Tractatum, *de Paralyse artuum inferiorum ex spine incurvatione*, Anglice conscriptum pulchrisque figuris illustratum, quod belgice nuper & animadversionibus auctum Diario Chirurgico Roterodamensi (a) inseruit doct. M. S. DU PUY, M. D. & Lector Anat. Chir. & Artis obstetriciae Campensis. Totius etiam spinae gibbosae Ancylosin se possidere retulit HEISTERUS (b).

4. *Exostosis*, sive ossium excrementia, quorsum et *osteosteatoma*, *osteofarcoma*, referto, eo nomine in censum venit, sive *in ipso articulo*, sive *juxta articulum*, sive etiam *in loco ab articulo longe remoto* fiat. Haec ut intelligantur, pauca de exostosi praemittenda credidi. *Exostosis* dividitur in tres species; prima est, in qua in ipso ossum canale excrementia talis enascitur, quae ossa expandit; altera adesse dicitur, ubi inter ipsas ossium fibras talis excrementia adest;

ubi

(y) In *Dissert. de Scoliosi*, L. B. 1774.

(z) In *Dissert. de Cyphosi*, Fran. 1770.

(a) *Genees-Heel-Arzeny- en Vroedkundig Magazyn*, 1783.

(b) In *Inst. Chirurg.* Tom. II. Cap. 109. pag. 870. Ed. Belg.

ubi tandem externam ossis superficiem occupat, obtinet tertia species.
Egregiam hanc divisionem tradidit HOUSTER (c). Talis *exostosis*,
ipsum occupans articulum nocet: tum quia motum directe impedit;
tum quia ligamenta distrahit; tum quia smegma articulare dissipat,
aut condensat; tum denique, quia ex crescente duo inter ossa materia
ossea ossa ipsa conferruminantur. Quam facile hinc enasci valeat Ancy-
losis, vel solo pelvis nostrae, antea (d) memoratae, inspectu cogno-
scitur. *Exostosis juxta articulum* plurimum quoque ad hunc morbum
disponit: partim quia motum mechanice impedit; (in duobus au-
tem, quae aservo, altero edentuli, altero junioris, adulti tamen,
craniis, in quibus ante foramen magnum, directe ante partem an-
teriorem atlantis, valida existat exostosis, licet liber atlantis motus
inde absque dubio impeditus fuerit, vera non successit Ancylosis);
partim quia ligamenta ossea obducit materia; partim quia, ubi ad
articulum pervenit, articuli cavum intrat, sicque, ut vidimus, no-
cet; partim quia partes vicinas pungit, irritat, comprimit, in-
flammat; tum denique, quod ipsa ossa, ubi multum progressa est,
recipientia receptis circum crescunt (e), vel directe in unum coëunt.
Sed vel ab articulo remota huc facit *exostosis*: tum quod partes
molles pungit, irritat, inflammat, nervos comprimit, adeoque

CON-

(c) Viz. *Memoires de l'Acad. R. de Chirurg.* Tom. III. pag. 130. seqq.(d) In *Diff. cit.* §. XXXVI. pag. 39, seq.(e) Haec caufsa in articulo femoris & coxae a procrescente circum caput fe-
moris acetabulo non infrequens est; quod multis, partim e mea, partim ex alio-
rum Collectionibus, in quibus os femoris vel penitus non, vel non nisi certa qua-
dam directione, extrahi se ex acetabulo sinit, demonstrare valeo. Conf. *Diff. mea*
cit. §. XXXVIII. pag. 41. seq.

convulsiones, dolores, paralyses producit; tum et quia nimium progressa articulum tandem attingit. Lectu dignissima est historia de flexu corporis antrorsum, per appendicem in sterno, impedito; quam observavit BONETUS (*f*). Ex VESLINGIO simile quid narrat PALFYN (*g*).

5º. *Claudicatio*, sive ille morbus, a luxatione haud raro oriundus, quo capita ossium globosa complanantur, & insigne quantum expanduntur, & acetabula vicissim circumcrescant, diathesin immobilitatis nostrae constituit inde, quia talia ossa, suis in acetabulis rite moveri nequeuntia, sinegma magnam partem, vel penitus exprimunt, obstrukciones, inflammationes creant, ligamenta partesque moliores distrahunt, nervos, vasa, glandulas, compri- munt, vel denique cum suis acetabulis concrescunt. Natam in claudicante femoris cum coxa Ancylosin, & ossis Ischii interiora versus degenerationem, memorat A. DE HAEN (*b*).

Eodem nomine, ac claudicatio, atque exostosis, nocent *Excre- scentiae ossium fungosae*, a nonnullis ad neutram illarum relatae; quas tamen ad exostoses, ne nominum multitudine obruamur, re- ferre malo.

6º. *Caries*, quo & ita dictam *verpaon* referto, cuius specimina in tibia & maxilla inferiore asservo, variis titulis nocet: tum quia saepe generatur a morbis Ancylosi faventibus, v. g. vitiis liga-

men-

(*f*) In *Sepulchr. Anat. lib. IV. Sect. 6. Obs. 4. §. 5. pag. 430.*

(*g*) Vid. *Beschrywing der Beenderen*, pag. 359. seq.

(*h*) In *Rat. Med. Vol. I. pag. 306. seq. Edit. Leid.*

mentorum & linimenti, inflammationibus, harumque sequelis, vulneribus, contusionibus, ulceribus, scorbuto, lue venerea, aliis; tum et, quia pro causa agnoscit acre varium, sive mechanicum, seu chemicum, quod ossa ita inficit, ut ossea firmior substantia corrundatur, aut tota saepe pereat; ita aliquando, ut integra pereat osseum soliditas, unde in pulvere in quasi fatiscunt. Hac ratione muscularum actionem non ferunt, & membrum immobile redditur: quo tamen in casu rarius solis in ossibus vitium haeret; sed et aliae partes, ligamenta, ipsi musculi inficiuntur, eroduntur, penitusve destruuntur; linimentum Haversii vel coagulatur, vel attenuatur. Carie praeterea ossium crustae cartilagineae, quae nunquam renascuntur (*i*), eroduntur & de ossibus separantur, unde in motu augetur attritus. Tum etiam nocet caries, quia a materia ab ossibus per cariem separata, si prope articulum, vel in ipsomet articulo sit, dictum smegma inspissatur, cum ea in firmorem compagm concrescit, motuique obstat. Denique, ubi sanatur caries, & exfoliatio adest, nova lamella ossea enata articulum practerreditur, ligamentis applicatur, vel ipsa immediate compingit.

7º. Nec inter diatheses ad obrigescientiam omittenda est *Spina ventosa*, sive *Paedartbrocace*, quae nocet partim iisdem de causis, quibus caries; partim, quod ossa immaniter tumefacta & dilatata, sibi invicem adstantia consoluunt; vel intra suum cayum moveri negant, adeoque illud dilatare conantur, quo cedere nescio,

fyno-

(*i*) Vid. PLATNERI *Infl. Chirurg. Rat.* §. 1050.

synoviam, aut partem saltem illius tenuiorem, dissipant, ligamenta musculosque distrahunt, nervos comprimunt, vel et cum suo cavo firmiter concrescunt, aut eo contineri negantia luxationem subeunt. Nocet praeterea ideo, quod ossa ad motum expeditum sat levia non sunt: denique, quod dolor punctorius, a motu auctus, mobilitati resistit: ne de accessibus veris, tenellorum talia ossa infestantibus, disruptis, defectum in ossibus relinquenteribus, callo supplendum, loquar: quales defectus in ulna infantis, cum humero Ancylosin passa, quam possideo, comprehenduntur. Ancylosin a spina ventosa oriundam, quae in collegio Chirurgico Lugdunensi asservatur, femoris cum tibia et patella descripsit & exhibuit TRIOEN (k).

Id praeterea, quod et ad Ancylosin disponit, commune inter se habent caries & Spina ventosa: 1°. quod in utroque morbo asperae & inaequales ossium corruptorum superficies, sibi mutuo applicatae, per vasorum fibrarumque conjunctionem vel corrosionem & seri effusionem in unum os consolidescunt (l). Patet hoc e duabus tibiis fibulisque, quas habeo, lateris dextri, quorum specimum in altero a spina ventosa per asperas eminentias, quae ligamentum interosseum penetrarunt, illae junguntur; in altero utrumque os, in inferiore parte valde tumidum, planiusculum asperius

que,

(k) *I. e.* pag. 129, seq. Cf. *Tab. X. Fig. 2.*

(l) *Conf. DU VERNEY Traité des Maladies des Os, Tom. II. pag. 375⁴*
Ed. Belg. pag. 317.

que, ibidem in unum plane os abiit. 2º. Quod utroque in morbo folliculi articulares aliquando corrumpuntur, unde axungiae secretio cessat, vel iidem illi folliculi acriorem humorē articulos erodentem fundunt, quae totidem utriusque Ancyloseos audiunt caussae.

8º. Nocere potest *luxatio*, sive *non reducta*, sive *male*, sive *bene reducta*. *Luxationes non reductae, completae*, huc faciunt, quia caput ossis, e suo egressum acetabulo, ossis illius superficie apprimitur, dum caput ossis luxati, adjutrice natura, prius acetabulum continua pressione & iectu obliterat, novumque pone praecedens sibi format, in quo, deficientibus ligamentis, muscularisque violatis, moveri nequit, adeoque, nisi ut cum suo concrescat acetabulo, nil superest (m); quale exemplum antea descripsi & iconē illustravii (n). Accedit partium vicinarum a luxatione vel distractio, vel compressio.

Luxationes non reductae incompletae nocent ob distensionem, vel & aliquando lacerationem, ligamentorum, aliarumque partium distractionem compressionemque; unde motus magis minusve perit, simagma articulare insuper nimia copia colligitur & inspissa-

tur

(m) Novum ejusmodi acetabulum frequenter in ossium morbosorum Collectiōnibus invenitur. Quale in femore tractu temporis & continuo motu antrorsum urgetur, & cum priore confluit, illudve plane tegit, manente hujus vestigio; quod mihi ex meis speciminibus persuadeo. Possideo etiam os innominatum, in quo femur e naturali acetabulo elapsum, dein locum magis lateralem & inferiorem in Ischio occupavit, & postea in medio osse Ilium profundum & laeve sibi impressit acetabulum, quod certe rarum est.

(n) Vid. *Dissert. de Ancyloſi* §. XXXVIII. pag. 41, 42. *Conf. Tab. II. Fig. XXII, XXIII.*

inspissatur & corrumpitur. Natam inde Ancylosin memorat E V E R S I U S (o). Quam facile a non reducta luxatione enascatur Ancylosis, docet, quam nuper inveni, epistrophe, cuius processus adscendentes, nominatim dexter, & dentis sinus articularis, multum complanati & laevigati deprehenduntur; qui, ni fallor, temporis tractu cum locis atlantis reciprocis articularibus concrevissent. Docent idem ossa humeri aliaque, quae affervo, quorum extremitates adeo degenerarunt, ut vix ullus in vita motus adfuisse videatur; paeprimis, ut alia varia sicco pede transeam, articulus, in quo ossis humeri caput explanatum valde est & laevigatum, ut a cavo scapulae glenoideae multum dilatato, & processu coracoideo pariter dilatato, utrisque glaberrimus, recipi queat. Ipsa pars clavicularae, acromio naturaliter commissa, glaberrima est. Convenit quadam tenus hoc specimen cum eo, quod descripsit clar. BONN (p). Natam a non reducta luxatione Ancylosin humeri cum scapula tradidit J. D. SCHLICHTING (q). *Luxationes male reducuae ad Ancylosin disponunt ob partium contorsionem, distractionem, ortumque inde dolorem, inflammationem & ad motum ineptitudinem; quibus accedit compressio partium molliorum.* Ipsae denique bene reducuae luxationes noxa nondum carent: partim ob causas non sublatas; partim ob distractionem; partim ob nimiam fa-

(o) Vid. RICHTER Heelk. Boekzaal, VI. Deel 1 Stuk. pag. 107, 108.

(p) In Comment. Cit. pag. 45. seqq. Conf. Tab. IV.

(q) In Act. Phys. Mei. T. VII. Obs. 40. pag. 108.

fasciarum constrictione. In omni praeterea luxatione dolor major minorve, et inflammatio adsunt. Nocent et hinc luxationes, quod iis non raro fracturae, aut alii morbi accedant. Prae ceteris nocent maxime luxationes vertebrarum, ossisve sacri, quae medullam spinalem comprimendo paralysin, & suo detritu callum valent producere, facile ab uno osse ad aliud tendentem eademque connectentem. In hoc casu saepe moriuntur aegri; non tamen semper, ut antea (r) patuit.

9º. Huc referto *Fracturas*; quae ad Ancylosin faciunt, sive in ipso articulo, sive in locis articulo vicinis, seu tandem loco ab articulo remotissimo fiant. *Fracturam in articulo ipso* huc conferre, quis dubitaverit? si consideret, tum effusum a fractura laticem intra articuli cavum motui resistere; tum, humorem ossi consolidando dicatum (s) vel intra articuli cavum infundi, adeoque necessario ossa conferruminari debere; vel eundem ligamentis circumfusum liberum motum impediturum, quin ipsa ossa temporis progressu praeternaturaliter juncturum. Ancylosin hac de caussa natam describit TRIOEN (t). *Fractura in articuli vicinia* hoc respectu nocere potest, vel, quod luxurians callus ab uno osse ad aliud tendit; vel capsulas ligamentaque caetera investit, indurat, adeoque illorum flexilitatem, motui summe necessariam, tollit.

Docet

(r) Vid. *Dissert. mea de Ancylosi*, §. XXII. pag. 19. seq.

(s) Vid. HEISTERUS l. c. Tom. I. Lib. 2. Cap. I. pag. 195. Ed. Belg.

(t) l. c. pag. 129. Cf. Tab. X. Fig. 1.

Docet hoc innominatum, quod possideo, in quo ingens conspicitur acetabulum, e quo femur ob callum enormem, praegressae obliquae trochanterum cum parte colli fracturae sequelam, acetabulum cingentem, educi nequit. Docet etiam hoc Ancylosis ossium pubis, quam descripsi (u). Illustrat hoc pariter, quam inter reliquas coxarum fracturas asservo, fractura ossis ilium ibidem ferme facta, ubi ossi sacro hoc necatur, & ubi a parte interna callus luxuriatus deprehenditur, quem, nisi cum illo osse, ut videtur, concreverit, saltem brevi confluxurum fuisse, confido. Hinc forte, nisi atrophiae aut rhachitidi, & hinc separatis epiphysibus, attribuere quis malit, derivandum, quod reperiantur ossa plane capitibus orbata, quod in primis in femoris osibus observavi, & quasi truncata, attamen ad speciem caeterum satis sana. Quo referre licet adultum femur, in ipso corpore infra trochanteres fracturam aliamve injuriam passum, & hinc incurvum, cuius caput a fractura, ut videtur, deficit, pro quo sinus reperitur, sub quo trochanter minor delitescere videtur. Quae tunc capita cum alterius acetabulis saepe coire videntur. *Fracturae* denique, ab articulo vel remotissimae, ut omnes reliquae, ad dirum hoc affectionum genus disponunt in primis ideo, quod articulus de tempore in tempus rite non moveatur. Si quoque duo ossa sibi invicem prope adjacentia, vel a latere adstantia frangantur, callus ab uno ad aliud progressus, ambo jungit. Egregium Ancyloseos, a fractura ab articulo

remo-

(u) In *Dissert. de Ancylosi*, §. XXXVI. pag. 38.

remotissima oriundae, specimen, mihi ab amicissimo commilitone
 P. JAS, Medicinae Candidato, suppeditatum, hic sistere placet.
 Conflatur tribus dextri lateris costis, hominis adulti, obliquam
 ferme in medio, a parte superiore ad inferiorem, fracturam passis,
 quarum fragmenta satis bene consolidata sunt; a luxuriante tamen
 callo mutuo coaluerunt, ita quidem, ut in superiori callus ita
 abundaverit, ut exostosis plana, quodammodo sinuata, conspicia-
 tur, quae ad superiorem aliam costam attigisse, non autem cum ea-
 dem coaluisse, videtur. Idem in ossium crurum fractura non raro
 contingit, quod in specimine, mihi olim a clar. G. VAN DOEVE-
 REN benevole suppeditato, patuit (v). Similia ferme varia nuper-
 rime nactus sum, in quibus unum spina ventosa simul insigne. Immo,
 licet alterutrum horum ossium fracturam non fuerit passum, inde
 oriri posse concretionem, luculenter demonstrat, quod possideo,
 exemplar; in quo fibula dextra non longe a malleolo fracta obli-
 que per callum coaluit, quo callo tibia quoque, nullam injuriam
 passa, a latere est obducta, ita ut haec exostosin fibulam versus
 fistat, reciproce fibulae, ginglymi forma, respondentem, attamen
 ab ea solutam. Quin etiam fractura prope extremitatem ossis su-
 periorem facta Ancylosin cum osse alio, licet inferiore, producere
 posse videtur. Ita concludo ex insigni, quod penes me est, fractu-
 rae per callum sanatae exemplo. Hoc femur constituit dextrum,
 ad cervicem & trochanterem utrumque obliquam fracturam passum,

cujus.

(v) Vid. *Diss. Cit.* §. XLII. pag. 46. Cf. *Tab. II. Fig. XXVI.*

cujuſ calliſ luxuriants, inferiora verſus descendens, triū & ultra
pollicum longitudinem adhuc aequat, licet pars abrupta videatur.
Si jam tale quid in brevioribus ossibus fiat; hinc extremitatis a
fractura immunis cum vicino osſe non ſequi non potest concretio.
Praeterea, ut calliſ in dicto caſu ad tantam longitudinem proſer-
perat, quidni et lapsu temporis ad crus potuiffet progredi? No-
cent praeterea in genere fracturae, ob partium vicinarum com-
preſſionem, irritationem & inflammationem: quibus accedit nimia
faſciarum thecarumque conſtrictio, & articulorum quies. Non
omnis tamen aequa fractura nocet. Nocet in primis fractura pa-
tellae transversa, per callum ſanata, quo in caſu tibia cum femo-
re coalescit; non quidem ſemper, at indubie, quæties mola tota
communata eſt (w). De Ancyloſi ſpurja a rotula fracta, mo-
tu ſanata, vid: PETIT (x). Magis vero nocet fractura columnæ
vertebralis, vel oſſis facri. Fractis etenim hiſ, comprimitur ma-
gis minusve contenta intra ſpecum medulla; unde oriuntur ea in
parte obſtructio, inflammatio, hujusque ſequelae; vel et omnes,
quæ ab hac medulla ſuos recipiunt nervos, partes inde paralyti-
cae evadunt; & variae aliquando a tali fractura oriuntur gibberum
species. Rarissime, fateor, ſupermanent aegri: legi interim mere-
tur historia viri, cum tali fractura per octo annos ſuperftitis (y).

Poffideo

(w) Vid. Clar. CAMPFER in *Diff. cit.* ab J. KOOLE publice defensa, §. XII., XIV. Oſſ. 9. 10. §. XVI. Oſſ. 11, 12. cum l. c. & §. XIX.

(x) *Traité des Maladies des Os*, Tom. I. pag. 321.

(y) In *Éphem. Nat. Curios. Cent.* I. Oſſ. 1. Conf. *Diff. mea de Ancyloſi* §. XXIII. pag. 21, 22.

Possideo etiam ossa sacra, in quibus fracturae firmo callo sunt sanatae. Nonnulla adhuc de fracturis ad Ancylosin magis minusve disponentibus occurrunt a MOSCATI & BAILLERON tradi-
ta (z), quae hic repetere non vacat.

Quod a fractura aequa, ac luxatione nata Ancylosi articuli saepe inflectantur, monet ill. SWIETENIUS (a), inde fieri, quod musculi flexores extensoribus praevalere solent; quod tamen in crure non fieri, antea ex DU VERNEY monui (b).

Dicta de Offium Morbis pro nostro scopo sufficient, alia in pri-
mis ex PETITO (c) & DU VERNEY (d) hauriri poterunt.

XX. Huc denique referendus videtur *materiae morbifcae ad articulos ne astasis*; unde Ancylosis aliquando enata fuit. Hinc v. g. derivare licet Ancylosin, quam ab eodem morbo in utroque cubito, absque tumore & dolore, relictam, unguentis nervinis & leni motu sanasse J. VAN WYCK, scribit doct. REIMARUS (e). Ipse obrigescentiam in poplite, a febre biliosa vehementi, ob-
servavi. Nec, si talis, quaecunque sit, materiae acrimoniam, summas in corpore turbas producendo aptam, humorumque acrium versus quemdam articulum decubitum consideraverit, hoc mirabi-
tur ullus.

§. XII.

(z) Vid. Mem. de l' Acad. Roy. de Chirurg. Tom. IV. pag. 614, seqq. & 624. seq.

(a) Vid. Comm. in Aph. BOERH. §. 556. pag. 951. seq.

(b) Vid. Diff. mea de Ancylosi, §. XLVI. pag. 49.

(c) Traité des Maladies des Os, Par. 1749.

(d) Traité des Maladies des Os, Par. 1751. Ed. Belg. Amst. 1756.

(e) In Differt. de Fungo ligamentorum, pag. 23. Not. c.

§. XII.

Jam caussarum satis, Patet ex dictis, ad constituantem Ancylosin requiri caussarum procatareticarum & proëgumenarum concursum, quo posito sequitur ipse morbus. Harum autem caussarum alterutram absque altera non sufficere, earumque concursum providae Naturae nutu ut plurimum deficere, ex iis, quae de vi distrahente, aliisque dicta sunt, abunde liquet. In primis autem luce meridiana elucescit clarus ex singulari, quam inter varias alias asservo, claviculae fractura; cuius extremitas, cum summo humero naturaliter articulata, fracturam subiit, callo redintegratam, quae tamen, ob caussae occasionalis defectum, cum scapula non confluxisse deprehenditur. Idem de aliis verum est. Sed ad Symptoma enarranda propero.

C A P U T I I.

DE ANCYLOSEOS SYMPTOMATIBUS.

§. XIII.

In hoc capite haud male versaturus mihi videor, si ordine agam
I^o. de Symptomatibus caussarum; II^o. de Symptomatibus morbi;
III^o. de Symptomatibus symptomatum; IV^o. de symptomate auxiliari;
V^o. de Ancylosi morborum remedio.

§. XIV.

§. I X I V.

Ad Symptomata Caussarum referri possunt

I. *Dolor*: qui ex enarratis caussis quam facile hic nascatur, non ruit omnes, qui dolorem pro indice imminentis periculi, cum GAUBIO (f), salutant.

II. *Diæphemoris*, quae a vi distracthente, a luxatione, fractura, claudicatione aliisque, oritur; quibus fit, ut ligamenta & musculi, horumque vasa ita distendantur, ut humor, qui iis contineri debebat, transfluet & dissipetur.

III. *Vasorum*, aliarumque partium *inertia*, quae a vi distracthente, comprimente, contorquente, aliisque oritur; siquidem his de causis illae partes tonum amittunt, & vasa nec liquidum accipere, nec apto fatis modo in contenta agere, adeoque nec acceptum antea liquidum propellere valent.

IV. *Membri situs perversus* ex valida contorsione, qua totum membrum invertitur, ex luxatione, fractura, &c. oritur: quibus fit, ut membrum a naturali situ devians motui voluntario non obtemperet, & eo in situ, nisi in auxilium vocetur manus perita, remanere cogatur.

V. *Diæphemoris* huc facit, quam ab erosione, ustione, scissione, a vulneribus, ulceribus, scorbuto, lue venerea, rhachitide aliisque malis orisi, dubitabit nemo, si consulat GAUBIUM (g).

(f) Vid. Inst. Pathol. Med. §. 675.

(g) In Inst. Pathol. Med. §. 204. N. 3.

VI. Iisdem de causis nascitur *Nervorum destruclio*.

VII. *Attritus* solito major, & hinc *strepitus*, sicut a defectu, vel inspissatione *smegmatis Haversiani*, quod lubricando motui inservit. Hoc ergo non sufficere, alliduntur sibi invicem ossa, augetur attritus, & ad minimum motum strepitus auditur. Hujus exemplum memorat J. VAN WYCK (b), in aegra 20 annorum, cui hac de causa maxillae commissurae ita erigebant, ut manibus aperienda essent, & ab adstantibus crepitus audiretur. Idem malum ab heterogeneis intra articulum contentis, glandularum tumore, aliisque nasci potest.

VIII. *Hydrops articulorum* ab eadem synovia nimis serosa oritur; siquidem illud serum, impedito motu, non satis dissipatur, adeoque novo accidente hydropem producit. Idem symptoma. Et a stagnante vel corrupto linimento oriri, quibus justa particularum miscela perditur, vix dubitandum est. Idem a corporibus heterogeneis in articulo contentis aliisque nascitur, quae motum directe impediendo, & vasa comprimendo huc faciunt.

IX. *Vasorum obstruclio*, vel *Sympysis*, ab axungia, nimis partes mucosas, glutinosas, aut et minus olei, continente, offitur: quoniam tenaciore materia obstruit vasa resorbentia, & cum his concrescit. Idem et a materia ejusdem linimenti crassiore, per stagnationem a tenuiore separata, accidere potest.

X. *Tumores* nascuntur ab inspissato, vel a nimio, vel a stagnante

(b) Vid. *Anmerk.* N. 43. cf. REMART. *Diff.* cit. pag. 28.

smegmate articulari, nec non ab hydrarthro & pure, & heterogeneis
in articuli cavo contentis, capsularia ligamenta distendentibus. Oriuntur
insuper ab intorsione, qua sit, ut ossium eminentiae insolito ap-
pareant loco; a ligamentorum etiam tumore, ab obstructione, in-
flammatione, scirrho, emphysemate. Tales pariter producunt ossium
epiphyses rhachitide tumentes, gibbera varia, exostoses; nec non
claudicationes. Porro tumores nascuntur a luxatione vel penitus
non, vel minus bene reducta. Nec mirum. Tunc enim caput
unius ossis non intra alterius acetabulum haeret, sed extra illud
ponitur; quo simul in casu fovea quaedam juxta tumorem in natu-
rali acetabulo percipi solet. Tumores tandem producuntur a calli,
fractas olim ossium partes consolidantis, luxurie, exostosi, aliisque.

XI. *Luxatio* astagnante, anima copia secreto, vel minus resorpto
linimento, vel a corporibus heterogeneis in articulo contentis, nec
non a glandularum Cowperianarum tumore, ut et a ligamentorum
debilitate, aut a muscularum ligamentorumque disruptione, quibus
osca e suis acetabulis expelluntur, nec intra eadem contineri queunt,
producitur.

XII. *Ligamentorum, cartilaginum, ossium corruptio, ulcera, abs-
cessus, muscularum ligamentorumque spasmi, ligamentorum mollities,*
oriuntur a linimenti aliave quacunque acrimonia, partes vicinas vel
irritante, vel destruente & pro varia parte affecta horum alia alia-
que producuntur.

XIII. *Atrophia* axungiae acri intra vasa resorbentia receptae, iti-
dem errori nutrimenti, ulceribus, rhachitidi, aliisque causis debetur.

XIV. Articulorum inflexio oritur a muscularum ligamentorum, que accurtatione, & spasmo, quo partem versus, unde illi tendunt, pars affecta trahitur.

XV. Ligamentorum ossificatio ab eorum duritie, sensim incremente, fit.

XVI. Linimenti effusionem a diffractionis ligamentis oriri, demonstratione non indiget.

XVII. Suppuratio, scirbus, cancer, gangraena, sphacelus, glandularum destruacio, ut facile liquet, ab inflammatione nascuntur.

XVIII. Caries, spina ventosa, a linimenti acrimonia, ulceribus, & scorbuto, lue venerea, atrophia, rhachitide, in quibus maxima adest acrimonia, vel progressu temporis nascitur, efficiuntur.

§. X V.

Quae ex ipsa Ancylosi redundant, symptomata, sunt:

I. Muscularum inertia; quae inde oritur, quod, immobili articulo, musculi, ad movendum illum destinati, sua munia obire, quamdiu immobilitas superest, plane nequeunt.

II. Deformitas nascitur, partim, quod motus homini multum venustatis conciliat, quam tollit Ancylosis; tum quod in malo situ positi sunt articuli immobiles; tum quod Ancylosis haud raro tumor comitatur. Ne loquar de vultus alteratione ex doloris molestia & taedio, ut in aliis morbis, praesertim diu infestantibus, generari solita.

III. *Artus brevitas* fit ex eo, quod, ubi dissipata axungia ossa concrecent, corpus intermedium inter duo ossa sublatum sit, quae se invicem tangunt proxime.

IV. *Artus elongatio* inde sit, quoniam, si megmate in os indurato, aut praesente in articulo exostosi, intervallum inter duo ossa necessario augetur.

V. Varii defectus pro vario articulo laeso. Huc spectant

i°. *Auditus impeditus*, sive sit *Bæphnois*, sive sensus ille plane sublatus, producitur ab immobilibus per Aneylosin vel nonnullis, vel omnibus, auditus ossiculis. Ita v. g. ubi malleus cum incude concrevit, inalleus, per tympani membranam, ab acceptis & in tubo acustico concentratis undis sonoris tremulam, affectus, cum incude receptos sonos communicate vel penitus non, vel non rite saltem, poterit. Si stapes cum incude, mediante ossiculo lentiformi, si cum fenestra ovali concreverit, suo tremore sonos in labyrinthum perducere, ut naturale est, non poterit. Patet adeoque, ab Ancyloso dictorum ossium vel imminui, vel depravari, vel integræ aboleri auditum, prout vel quedam, vel omnia, vel alterius, vel utriusque auris, concreverint ossicula. Hoc dirissimi hujus vitii symptoma memorarunt GAUBIUS (i), & Aestum. in Academia Trajectina Praeceptor, clar. J. OOSTERDYK SCHACHT (k).

Immo & hanc surditatis immedicabilis causam in cadavere homi-

(i) In Inst. Pathol. Med. §. 704.

(k) In Inst. Pract. Part. II. Lib. 3. Cap. 1. §. 15. N. 3.

nis durante vita surdi reperit clar. Argentoratensis Professor J. F. LOBSTEIN, recensetque clar. P. F. MECKELIUS (*l*).

2º. Manducatio impedita nascitur necessario ex maxillae inferiores concretione cum capite. Nec mirum: quum haec actio in reciproca mandibulorum abductione & adductione consistat; quae, immobili maxilla inferiore, fieri nequeunt Hoc etiam Akylosoeos symptoma memoravit GAUBIUS (*m*).

3º. Loquela impedita, & Aphonia, itidem inter diri hujus affectionum generis symptomata locum merentur. Per Akylosin etenim immobili maxilla inferiore, variae litterae rite pronunciari negant. Coalescentibus cornubus ossis hyoidis cum basi ejusdem, vel (quod magis) ossificatis laryngis cartilaginibus, quod nonnunquam fieri antea (*n*) probavi, iisque tunc Akylosin constituentibus, litterarum pronunciatio, & foni modificatio ad cantum, fieri nequeunt; quod multis demonstrare non opus censeo. Facit etiam huc, quod in homine rauco cartilagini laryngis in os versae & thyreoidea fissa fuerit observata (*o*).

4º. Respiratio impedita. Ad respirationem enim requiritur, ut in ipso inspirationis actu dilatetur thorax vario, & triplici quidem modo: longitudine, cedente inferiora versus diaphragmate; ex profundo,

(*l*) In *Thesi* 9. post *Dissert. de Labyrinthi auris contentis* Argent. 1777. Cf. *Diss. meae Acad. Mantissa N. 2.* pag. 54, 55.

(*m*) I.c. §. 794. Conf. *Dissert. mea de Akylosi*, in *Mantissa*, N. 2. pag. 55. seq.

(*n*) Vid. *Diss. cit. pag. 53. seq.* Conf. doct. B. LULII, amici integerrimi,

Diss. Inauguralis de Nutritione, nuperrime publice hac in Academia defensa, pag. 27.

(*o*) Vid. *Ephemer. Nat. Curios Vol. X. Obs. 13.* Cl. VOGEL Prael. §. 589.

fundo, ubi, costis superiora versus sublatis, attollitur sternum; tandem latitudine, ipsis costis elevatis. Si jam costae cum vertebris, vel cum sterno, vel cum utrisque coaluerint, si unum alterumve horum, cratem hanc osseam constituentium, instrumentorum, suis muniis rite exsequendis ineptum sit; dilatatio illa ex latitudine & ex profundo fieri non poterit: eo magis, ubi ab effuso in interioribus callo, aut a nata exostosi, illa concretio fuerit facta. Tali itaque in casu debite expandi pulmones nequeunt, respirationi obex ponitur, organa pneumatica aërem vix admittunt. Habet et hoc symptomam **GAUBIUS** (*p*). Offescentiam quoque cartilaginum costarum & sterni inter caussas asthmatis refert clar. **R. A. VOGELIUS** (*q*).

5º. *Partus difficilis* a concretione ossium pelvis oritur: quod ut patescat, nonnulla ex arte obstetricia ut repetam, necessarium duco. In foemina nempe parturiente, quo majus exituro foetui concedatur spatum, ligamenta, ossa pelvis invicem necentia, determinato majore humorum versus genitalia affluxu, emolliuntur, elongantur, adeo ut aliquot lineas a se mutuo diducantur pubis ossa; ossa coccygis autem ex interioribus posteriora versus diriguntur, & ex arcuata forma magis eriguntur: quo tunc insigniter augetur pelvis capacitas. Hanc dilatationem tantum non omnes hujus aevi statuunt eruditi, & antea probavi (*r*). Negant eam tamen nonnulli, inter quos, omnium sibi in hac re visus oculatissimus, **C. VON KRAFFT** (*s*). Nec mirum:

(*p*) *I. c. §. 765.*

(*q*) Vid. *Prael. Acad. de Cogn. & Cur. praecep. C. H. Affekt.* §. 597.

(*r*) In *Dissert. de Ancylofi*, §. XXXV. pag. 37.

(*s*) Vid. *Anatomische versuche und anmerckungen &c.*

mirum: scilicet chondrarthrosin ossium pubis frequenter satis, sed absque ullo praesente teste, observavit osseam. De dicta vero dilatatione conf. amicus noster integerrimus J. P. MICHELL, Practicus inter Amstelaedamenses jam eximius, qui ponderosissimis haud sane ponderosas C. KRAPFII aliorumque objectiones refutavit argumentis (*t*). Dum jam mihi constat, ossa pelvum constituentia in partu cedere; evidens censeo, ubi illa inter se coalescunt, os nempe sacrum cum coccyge, vel innominato utroque, vel alterutro, vel omnibus simul, sive absit, sive adsit pubis ossium praeternaturalis junctura (*u*), hanc dilatationem fieri non posse & partum fore difficultem: praesertim, ubi concretionem formaverit exostosis, sive callo, sive ligamentorum ossificationi suos debens natales; hinc etenim major exituro foetui nascitur resistentia, majusque obstaculum pariturae, quae difficulter, nec sine praesenti vel foetus, vel sui ipsius, vel utriusque periculo naturae molimen promovere tentat, & lethales futuros Ancyloseos deplorat effectus. Hujus in primis symptomatis ratio intelligitur, si huic sive totius pelvis, sive duorum pluriumve hujus ossium, Ancylosi, vario modo, in primis cum exostosi factae, accedat diametrorum pelvis a recta deflexio aut brevitas, adeoque pelvis quoad capacitatem imminutio. Tale quid mihi, ne de meo (§. XXXVI.) allegato specimine, aliisque bene multis diametrorum pel-

vis

(*t*) In Egregio de *Synchondrotomia Pubis Comment.* nuperime Amstel. ed. Sept. II. Cap. 1.

(*u*) Conf. diff. mea cit. §. XXXIV. — XXXVI. nec non doct. MICHELL Comm. cit. pag. 104, seqq. ubi ab egregio Practico Dordraceno J. B. CROLLO sibi suppeditatae pelvis tradit descriptionem. Cf. *Tabulae*.

vis a naturali statu deviationibus, loquar, in primis liquet ex eximio; mihi nuperrime allato, ossis sacri cum primo coccygis & innominato dextro confluxu plenario: in quo notandum, os sacrum solitam habere adultorum longitudinem, & in sinistra parte, excepta cum coccyge Ancylosi, satis esse naturale, in dextra autem quatuor, quibus gaudet, foraminum superius esse perparvum, forma ovali, reliqua magis oblonga, adeo compressa, ut nervis e medulla spinali tendentibus spatium relictum fuerit perexiguum, quorum foraminum tenui margine os sacrum illo in latere finitur, adeoque ibidem multo minorem, quam in opposito habuit latitudinem. Haec forsan causa fuit, quare coxae dextrae os atrophicum quasi sit & dimidiam vix adulti magnitudinem aequet; dum sinistrum, quod non coaluit, magis naturale fuisse videtur. Ex hac atrophica constitutione, etiam factum, ut diameter conjugata, (si recta fuerit, quod non videatur ex parte superstite concludendum,) tres saltem pollices non superaverit, vix, credo, acquaverit, femurque pariter atrophicum fuerit.

6°. *Incessus difficilis.* Scilicet, ut rite incedere homo valeat, naturalis requiritur cruris, tarsi, metatarsi, digitorumque mobilitas. Ubi jam crus cum tarso, qualia specimina (v) attuli, aut simul cum metatarso, quale exemplum etiam possideo, concrevit, aegrum rite incedere non posse, quis dubitet?

7°. Varia alia symptomata, pro varia parte affecta, hic brevitas caussa omitto.

§. XVI.

(v) In *Dissert. de Ancylosi*, §. XLIII.

§. XVI.

Ad Symptomata dictorum Symptomatum nunc transiens, praecipua tantum quaedam delineabo.

I. *Convulsiones* a dolore vehementi enasci posse, non est quod demonstrem.

II. Per *diapnoeum*, multo magis per *diaperam*, *haemorrhagias* & *aneurysmata spuria* oriri posse, vel me non monente liquet.

III. *Aneurysmata et varices*, a vasorum dilatatione, vel forte et ab eorundem compressione per ecchymosin a diaeresi natam, nasci possunt. Etenim, pone locum compressum accumulatur contentum in canalibus liquidum, quod illas partes extendit, tumoresque generat, qui in arteriis aneurysmata, in venis varices audiunt; quod in primis fit, ubi vasorum tunicae distensae vel laesae debitam contentis negant resistentiam. Ubi vero comprimuntur canales nervosi, *paralysis* adest.

IV. *Obstructiones, inflammationes, earumque sequelae*. A dilatatis enim vel compressis eadem de causa canalibus, stagnat in his, vel vicinis vasis, liquidum, eaque obstruit; immo, accidente motu spastmodico, inflammatio nascitur. Eadem effecta a sola vi comprimente, non enata *diapnoeum* aut *diaperam*, enascuntur.

V. *Unius lateris exsuperantia* inde oritur, quod ab Ancylosi artus, ut vidimus, vel elongatur, vel accurtatur; unde alterum latus alterum superat.

VI. *Claudicatio* ab hac exsuperantia oritur; quod demonstrare non opus certe.

VII. Ciborum deglutitio, concoctio, adeoque digestio, impedita, inde oritur, quod cibi, antequam deglutiuntur, manducari nequeant, adeoque difficulter in ventriculum propellantur, saliva etiam non rite subacti: unde porro cruditates in ventriculo, frides in intestinis, primarum viarum infarcitus, chyli vitia, hinc omnium humorum depravatio, insequuntur.

VIII. Circulatio impedita in primis ex impedita respiratione nascitur, quia pulmones rite expandi nequeunt, adeoque sanguis ex ventriculo cordis anteriore in posteriorem propelli negat: & si majori gradu vexetur respiratio, aneurysmata, polypi, peripneumoniae, haemoptyses, aliaque sequuntur mala. In variis similiter aliis partibus natae Ancyloses circulationem impedire possunt, compressione vasorum majorum accumbentium, eorumque varia laesione.

IX. Secretio impedita a male affecta sanguinis, ie quo varii secessunt humores, circulatione oritur.

X. Mors, ubi variae in corpore adsunt Ancyloses, fatalem iis imponit terminum, quia variae inde laeduntur functiones; vel etiam, ubi Ancylosis vitalia afficit, v.g. thoracem, aut ex callo, a fracta columna vertebrali producto, vertebrarumque canaliculi obstruente & medullam comprimente, exortae est. In senibus quoque, deficiente jam muscularum, diaphragmatis in primis, actione, respiratione & hinc circulatio languent, intermittunt, cor palpitat sedonee, sanguine pulmonibus superandis impar, cordis actione tandem cessat, adeoque tacite aliquando animam efflant, & miseræ vitae terminum attingunt.

§. XVII.

Symptoma Naturae auxiliare a constituit febris, variol nominé in Ancylosi laudanda: tum quod Ancylosois cauñas, akungiae ins�ationem, accumulationem, acrimoniā, obstrunctiones, aliaque feliciter tollit; tum quod ipsam Ancylosin, spūriam nempe, feliciter subinde sanat. Alio etiam modo, nempe ossium extrema expoliendo, Ancylosin pro tempore praevertere Naturam, ante monui (w).

§. XVIII.

Ipsa denique Ancylosis aliorum aliquando morborum existit remedium. Ubi v. g. ligamenta, vel musculi debilitate laborant, Natura illud vitium, enata Ancylosi, sanat; quod post distractiones, luxationes, &c. fieri conductit. Similiter, ubi ossa luxata novum jam sibi formarunt acetabulum, in quo per ligamenta non retinentur, ut tamen musculis obedient, Natura illius acetabuli marginem (quod ex memoratis antea speciminiibus patet,) protrudit, intra quem conclusa quadanterus moveri possunt ossa, absque eo, ut novae luxationis metus sit. Ita et, ubi epiphyses a corpore suorum ossium separatae cum suo concreverint acetabulo, & cum ossis corpore articulum importunum formaverint, proderit utique, si denuo cum eodem corpore coalescant. Observatum etiam est, a fracturis, ob

(w) Vid. §. X. N. II. 1°. pag. 14.

vum quasi articulum fuisse formatum: quod docuit J. SALTZMANUS (x). Similem a fractura ossium cubiti superstitem descripsit, & iconē illustravit doct. SILVESTER (y), quod specimen asseravit DU VERNEY (z). Quo et referre licet, quod possidente, os innominatum, ubi ad os pubis talis novus conspicitur quasi articulus, & partes duae separatae glaberrimae ginglymi in modum antea nexae videntur, sed jam destructa cartilagine intermedia tantillum distant. Ubi jam hoc fit, Natura enata Ancylosi hoc vietum penitus extirpare valebit.

De Symptomatibus haec dicta sufficerint: reliqua, si qua sint, facile ex dictis intelligentur.

C A P U T III.

DE ANCYLOSEOS DIAGNOSI ET PROGNOSI.

§. XIX.

Ut rite instituatur morbi curatio, prius per sua signa cognosci debet. Videamus itaque, quaenam dicti saepius mali sit Diagnosis.

§. XX.

(x) Vid. *Dissert. de Articulationibus analogis, quae fracturis ossium superveniunt*, Argent. 1718. Conf. PLATNERUS l. c. §. 1225.

(y) Conf. Act. Erud. Lips. Ann. 1685. pag. 513. seqq. & Tab. XIII. Fig. 4.

(z) Conf. *Traité des Malad. des Os*, Tom. I. pag. 328. Ed. Belg. pag. 280.

§. X X.

Ancylosoeos Caussae variae ex antegressis facillime patent, tum et ex symptomatum concursu dignoscuntur. Praecipua modo, ad *Diagnosin Caussarum* spectantia, brevitatis gratia, verbo attingam.

A *Distractione* aut *contorsione* natam esse obrigescentiam, vulnera, haemorrhagiae, membra elongatio, mutatus situs, tumores, articuli debilitas & inertia, fractura, luxatio aliaque denotant.

Vim comprimentem in caussa fuisse, e fractura, luxatione, exostosi, obstructione, inflammatione, contusione, paralyssi, aneurysmatibus & varicibus, in primis dignoscimus.

Vim urentem, rodentem, scindentem fomitem mali esse, aneurysmata & varices, haemorrhagiae, vulnera, ulcera, inflammatio ejusque sequelae & caries, in primis docent.

A *smegmatis defectu* oriundam Ancylosin attritus, strepitus articuli ad motum, dolor, artus brevitas discernunt: ab *abundantia ejusdem* natam tumor, initio mollis, durior deinde, membra elongatio, fluctuatio in articulo, luxatio; ab *acrimonia smegmatis* productam ulcera, ligamentorum musculorumque motus convulsivi, eorumdemque, nec non cartilaginum, erosio, corruptio, ossium caries, atrophia aliaque cacochymiae in corpore signa, evincunt.

Quae ab *articulorum hydrope & synovia nimium serosa* producitur, ex tumore ad articulum molli, cedente, luxatione, membra elongatione, & fluctuatione majore, satis dignoscitur.

Quae a *rbachitide*, a *paedarthrocace* nata est, ex praesentis acrimoniae indiciis, temperie, aetate juniore, ossium tumore & incurvatione, ulceribus & cachexia, in primis cognoscitur.

Reliqua ex praegressis, & propriis signis diagnosticis, & collatis iis, quae de symptomatibus protuli, magis minusve patescunt.

§. X X I.

Diagnosis ipsius Morbi per se, & ex data antea (a) definitione, patet: qua propter de hac vel minimum monere supersedeo; nisi id unicum, quod vera *Ancylosis* a *spuria* non facile distinguatur, nisi forte praegressae caussae, v. g. exostosis, vel fractura in articulo, vel ei proxima, mali pertinacia, aliaque Diagnosin reddant certiorem.

§. X X I I.

Jam de Cura agendum foret. Prius tamen perpendiculariter juvabit, quae *Ancylosis* sanabilis sit, quae vero sanari neget, quod docebit *Prognosis*.

§. X X I I I.

Veram *Ancylosin* plane curari non posse, a priori plerumque liquet, siquidem concreta ossa emollire & semovere qui valeret, magnus

(a) In *Diss. de Ancyloſi*, §. XIV. pag. 14.

gnus in praxi Medicā fōret Apollo. Hoc qui tentaret, Sisyphi
saxum volveret. De hoc etenim malo valet illud Poētae (b) effatum:

Principiis obsta: sero medicina paratur,

Quum mala per longas invaluere moras.

§. XXXIV.

Ancylosis autem spuria non raro sanari potest, & sane aliquantum provecta sanata aliquando fuit, ut infra patebit.

Quae a *rerum non naturalium* nascitur *vitio*, saepe sanari se patitur; saepe negat, pessima in primis, quae a diuturno spirituorum abusu, quibus homo ante senium senescit, oritur.

Quae a *distractione & contorsione* oritur, non male ominatur, nisi moliores partes tonum adeo amiserint, ut restitui plane nequeant, symptomata appareant vehementia, & axungiae accumulatio aliudve vitium accedat.

A *compressione* oriunda, nisi symptomata vehementia, vel insolita, tumor, inflammatio, dolorque fuerint majores, facile tollitur.

Pessime praesagit, quae a *vi urente, rodente, scindente*, enascitur: siquidem, corruptis musculis, ligamentis, cartilaginibus, ossibus, aliisque, rara medela; licet tamen pro varia caussae intensitate & vario agendi modo differat Prognosis; & in primis male ominentur vis rodens & urens.

Quae

(b) OVIDII de Remed. amoris, vs. 91. seq.

Quae a *Senio* nascitur, haud facile, ob solidorum rigiditatem & torporem, fluidorumque lentorem, sanatur.

Quae a *defectu linimenti Haversiani* enata est, Ancylosis, nisi defectus immedicabili vitio debeatur, melius praesagit, quam quae ab ejus *accumulatione, stagnatione* in primis, oritur: quoniam hoc in casu *acrimonia* non raro accedit, qua vel totus articulus afficitur, corroditur, corruptitur; similia patiuntur partes vicinae, dolores, convulsiones, ulcera, caries aliaque nascuntur, & acre reforptum universalem inducit corpori cacoehymiam & atrophiam.

Ubi vero *nimia seri pars*, aut *nimum muci*, aut *nimiae partes salino-glutinosae*, aut *oleum deficiens* peccant, si recens est malum, non male adeo ominatur; pejus, ubi inveteratum est.

Quae nascitur, ubi *linimentum cum alio succo misetur*, facile non curatur Ancylosis; in primis, si succus ille acer fuerit.

Quae ab *beterogeneis in articulo contentis* nascitur, nisi haec cum eo concreverint, fatis facile tolli potest.

Atela, cartilagini leviter necente, producta facile vi externa sanatur.

A tumore glandularum Cowperianarum natam Ancylosin tollere difficile, si non adūrātur pro varia autem tumoris natura Prognosis variat.

Nec magnam praebent sanationis spem, quae ab *errore nutrimenti & unius lateris exsuperantia* enatae sunt, Ancyloses. Nullam dant, quae *labi hereditariae*, vel *morbo congenito* debentur.

Vitia partu acquisita ubi Ancylosin crearunt, aliquando sanationem admittit; quod pro varia eoruin natura determinare Chirurgus debet.

Quam

Quam *musculorum ligamentorumve accurtatio* produxit, Ancylosis sanationem non facile admittit; minus tamen illa, quae *equundem longitudini* debetur.

Quae *musculorum vel ligamentorum spasmum, aut paralysin*, pro causa habet, ubi suo tempore advocatur Chirurgus, & ferocia absunt symptomata, tolli facile praesens Ancylosis, non autem semper malum radicus sanari valet.

Quae a *ligamentorum debilitate* exorta est articuli obrigescentia spuria, nisi fomes mali extirpari nequeat, & graviora accedant symptomata, facile sanatur.

Minus bene ominatur, quae a *ligamentorum rigiditate*; pessime, quae ab incipiente *chondrogenia*, vel *osteogenia* ortum dicit: quoniam dura emollire, cartilagini, vel ossi, flexibilitatem conciliare, non parvus sane labor.

Ligamentorum autem tumor quo validior, & magis inveteratus, eo periculosior: aliquando tamen ab eo enata Ancylosis sanari valet.

Quam *musculorum ligamentorumve disruptio* produxit, Ancylosis aliquando, ubi symptomata mala absunt, & vulnus recens est, haud ita mali est praesagii.

Ubi ex *obstructione, vel inflammatione*, enata est Ancylosis spuria, si recentes adhuc illae sint, nec nimis vehementes, sanationis spes supereft. Sin vero inveteratae & male fuerint tractatae, raro sanabitur.

Ubi vehemens *suppuratio, ulcera, scirbus, aut cancer, gangrena, sinus, vel fistulae* eam produixerint; difficilis, non tamen fru-

stranea semper, erit curatio: praesertim, si haec mala non inveterata sint: ubi vero *sphacelus* jam adest, nulla erit.

Quae *vulneri* debetur, quo majus *vulnus*, quo malignius fuerit, eo difficilius inde producta sanatur Ancylosis, non tamen in genere omnis sanationis spes abest. Nullam autem, aut raram saltem, sanationem admittunt, quae a vulneribus sclopetariis, vel et venenatis, ortae sunt, Ancyloses.

Quae a *contusione* oritur, si haec simplex, si recens est, nec vehementis, quaedam affulget sanationis spes. Ubi autem composita, ubi inveterata aut vehementioribus stipata est symptomatibus, spes, si non penitus, attamen praecipue in fumum evanuit.

Male ominari eam, quae ab *ichore*, *meliceria*, vel *hydraribronata* est, ex dictis, & ob acrimoniam & dira symptomata non raro comitantia, quis dubitet?

Quam *arthritis* induxit, articuli immobilitas, tolli quidem saepissime, raro autem radicitus extirpari, potest.

Mali ominis est, quae a *scorbuto*; pessimi, quae a *lue Venerea* inducitur; ob insignem, quae illos morbos comitatur, humorum acrimoniam, tam solida, quam fluida, inficientem.

Quae ab *atrophia* oritur, in initio atrophiae curam admittit, provectione eadem ob humorum acrimoniam, solidorumque corruptionem, negat.

Quae a *rhabditide* oritur, ob infausta symptomata, cacoehymiam, & ossa nondum evoluta, facile invicem concrecentia, mali praesagii est. Ab altera autem parte actas junior multum ad sanationem juvat.

Quae

Quae a recenti admodum *gibbositate* enascitur, non adeo male ominatur Ancylosis; licet plerumque sit periculosa: pejus inveterata. Mala est *cyphosis*, pejor *scoliosis*, pessima *lordosis*: quae facile ex dictis patent.

Ab *exostosi* enata, quo haec articulo vicinior, quo magis inveterata, quo durior fuerit, quo vehementioribus stipetur symptomatibus, eo pejor: sanari rarissime valet.

Quae a *tumore fungoso*, aut *claudicatione*, enascitur, raro, si unquam, sanatur Ancylosis.

Quae a *carie*, a *spina ventosa*, ortum habet, ob axungiae acrimoniam, totius corporis cachexiam, & symptomata diriora comitantia, pessime ominatur.

Quae ex *luxatione non reducta* enata est Ancylosis, ni jam inveterata, & multis, iisque vehementioribus, fuerit stipata symptomatibus, & a caussa insanabili nata sit, facile sanatur. Ubi vero *luxatio incompleta* simul & *non reducta* fuerit, male ominatur (c).

Remanens a *male reducta luxatione* Ancylosis pessime praefagit.

Quae a *reducta bene luxatione* originem trahit, pro varijs accidentibus vario ominatur modo. Mali ominis est, si contusioni, distractioni validiori; pessimi, si ligamentorum dilacerationi plenariae debeatur; varii pro vario mali gradu. Uiplurimum satis boni est, si inflammatio, a tentaminibus ad reducendam luxationem institutis, Ancylosin produxerit.

Quae

(c) Vid. EVERS, in RICHTER'S *Heelk. Boekzaal*, l.c. pag. 103. seqq.

Quae a *fractura* oritur, quo haec simplicior, quo ab articulo remotior, quo melius reducta, quo minus perfectus callus, quo pauciora, quo mitiora fuerint symptomata, eo major spes. Ubi contraria adsunt, male ominatur.

Quae a caeteris causis dictis producitur, Ancylosis nunc sanari potest, nunc vero minus. Id in genere tenendum, quo magis inveteratum malum, quo pluribus, quo vehementioribus stipatum fuerit symptomatibus, eo pejus, eo funestius.

C A P U T I V.

D E A N C Y L O S E O S C U R A.

§. X X V.

Quaenam Ancyloseos species sanationem, quaenam minus admittant, per Prognosin edociti, jam in remedia, Ancylosin sanantia vel levantia, inquiramus.

§. X X V I.

Tres generatim perficiendae ad Ancyloses Curationem Chirurgo incumbunt indicationes. Debet enim 1º. mali fomitem, si possit, tollere; 2º. ipsam praeternaturalem rigiditatem auferre; 3º. symptomata depellere, saltem mitigare.

§. XXVII.

§. XXVII.

Has tres indicationes in vera Ancylosi exsequi non licet. In ea enim morbi sanationem inchoare, ut egregie monuit W. H. MULLERUS (*d*), est cum Danaidibus dolia replere. Nec quempiam unquam ejus sanationem cum successu aggressum fuisse, uspiam memoratur. Solus VERDUC, Chirurgus Parisiensis, hanc se sanasse, scripsit: credendum autem, (quod ibidem monet MULLERUS,) eam non veram fuisse Ancylosin, sed potius contracturam & rigiditatem tendinum, & muscularum, pro sua causa habuisse, adeoque spuriam fuisse. Vel, an existimabimus, ossa Ancylosi confluentia dein ferro diffringi posse? Quale quid a rustico Medico, dicam an? temerario Medicastro & Artis dedecore, sanationem a se procurandam jaētante, aliquando tentatum fuisse, studiorum in Academia socius mihi retulit; sed eo cum successu, ut aeger, variis discru- ciattus torminibus, ad plures properaverit.

Dum autem ad Curationem morbi cura palliativa etiam referri potest, haec nonnunquam institui debet. Quomodo vero huic satisfiat, ex Akyloseos spuriae palliativa, satis ni fallor, fiet mani- festum.

§. XXVIII.

(*d*) In *Dissert. de Ancylosi*, pag. 13. Conf. HALLERI *Dissert. Chir. Vol. IV.* pag. 547.

§. XXVIII.

De Ancylosi ergo spuria videamus, & de quaue specie singulatim agamus. Facile autem, ad sanandam Ancylosin, ut vult PAULUS AEGINETA (*e*), non semper emollientia & laxantia requiri, sed subinde plane opposita convenire remedia, e Cura speciali, ad quam proprio, patebit.

Quae a *vi distractante* originem traxit, Ancylosis, sublata caussa, remediis corroborantibus, (v. g. frictionibus, sive siccis, vel sola manu factis, vel linteis calidis, vel cum succini, mastiches, olibani, &c. fumo, pannis excepto; sive humidis, cum spiritu vini camphorato, spiritu matricali similibusque, factis; aut balneis frigidis,) instituenda est sanatio, & membrum sensim magis magisque, ubi dolor minor est, sed lente, est flectendum & movendum. Notandum autem, ubi hoc in capite de motu loquor, non perinde esse, qualis motus instituatur. Ginglymus enim nullum motum, nisi extensorium & flexorum, enarthrosis autem & arthrodia etiam rotatorium admittunt (*f*). Motus utique articulo debet esse consentaneus.

Ubi a *vi comprimente, contorquente, urente, rodente, scindente, enata* est obrigescientia, haec tollenda sunt; dolor mitigandus, vel tollendus per anodyna & emollientia mucilaginosa: dum inflammationi per largam venae sectionem, reliquisque symptomatibus pro sua

(*e*) Vid. Lib. IV. Cap. 55.

(*f*) Vid. *Dissert. mea de Ancylosi*, §. IV. pag. 5. seq.

sua indole occurrit Chirurgus. Regimen porro strictius, diaeta eu-chyma, eupepta, attenuans, aër moderate calidus, medicamenta resolventia, motusque latus, prudenter institutus, aliquoties, bis terve de die, repetitus, multum conducunt.

Sin autem a *smegmatis articularis defectu* obriguerit articulus, regimen strictius, diluens, diaeta euchyma, eupepta, plurimum conducunt. Nec thermae & stillicidia, de quibus mox plura, adhibuisse poenitebit. Immo vero unguento nervino & vapore aquae calidae dictam agram sanavit J. VAN WYCK (g). Varia autem pro varia defectus causa pergendum esse ratione, intelligunt omnes.

Ubi autem ab *ejusdem accumulatione*, vel *inspissatione* enascitur, frigidæ affusionem plurimum proficere, censuit HIPPOCRATES (h): quod an multum profit, merito dubitat SWIETENIUS (i), ex eo forte prodesse, censens, quod illa frigida partes contrahat, sique humorem repellat. Ubi vero malum altiores egit radices, parum emolumenti inde exspectandum videtur. Profundunt autem hoc in casu multum venæ sectiones, in primis si dolor magnus est, jusculla & decocta aperientia, diluentia, strictum vitae regimen, cataplasmatum emollientia, resolventia, & discutientia: v. g. cataplisma ex fuligine, cum furfuribus & urina, paratum, quale in arthriticis tumoribus & hinc nata Ancylosi laudat DU VER.

NEY

(g) Vid. REIMARUS, l. c.

(h) Vid. Aphor. Sect. V. Aphor. 25.

(i) Vid. Comment. in BOERI. Aphor. 556. pag. 950. seq.

NEY (k), &c. Similia valebunt emplastra; v. g. Oxycroceum, de Galbano crocato, de Ammoniaco; cui adjiciantur diaphoreticum Mysichti, & oleum tartari foetidum, oleum lumbricorum, petroleum, spiritus cornu cervi, & similia penetrantia remedia & resolventia: nec non epithemata ex mutia, vel falsugine, qua halesces conditae sunt, & cum qua herba Sabinae, Ruta, &c. coquantur, addito aceto, vitriolo & alumine (l). Emplastrum Tachenii, & linimentum ex spiritu vini, sapone, sale Ammoniaco & Camphora, laudat DU VERNEY (m). Quae omnia, quo major est durities, eo magis requiruntur. Conveniunt & frictiones per lintea calida, balnea, thermae, in primis Aquisgranenses et Rehburgenses, limosae Sancto Amandenses, nec non Bourboniae & Baregianae, quas maximie laudat PETIT (n): quarum aquae pro potu assumantur, vel in quas aegri desident, vel ex quibus etiam in membrum morbosum dirigitur ex alto stillicidium, quod Galli *La Douche* (o) dicunt. Possunt quoque naturalibus balnea artificialia & stillicidia substitui, quae ex similis naturae ingredientibus componi debent; quod cum successu fecit LEDRAN (p), Prodest etiam solutio salis Ammoniaci, cum aqua calcis mixta & in membrum ex alto demissa, quo stillicidio feliciter usus fuit PETIT (q).

Salem

(k) Vid. l. c. Tom. II. pag. 400. Ed. Belg. pag. 339.

(l) Vid. PLATNERI Inst. Chirurg. Rat. §. 1217.

(m) l. c. pag. 399, 400. Ed. Belg. pag. 338, seq.

(n) Vid. l. c. Tom. I. pag. 320, seq.

(o) Quod vocabulum ab Italis translatum videtur, quibus *La Docchia* idem significat. Vid. PLATNERUS, Op. Tom. II. pag. 224. qui et alia nomina recensuit.

(p) Vid. Observations de Chirurgie, Tom. II. obs. 93, 94.

(q) Vid. l. c. pag. 328, 329.

Salem etiam Ammoniacum aqua dilutum pro stillicidio adhibere utile est; quod remedium egregio cum successu contra ligamentorum debilitatem in usum vocavit PLATNERUS (r) in juvēne, qui, quum se in palaestra saliendo exerceret, vim intulerat junc̄turae, quae inter femur atque tibiam est, quaeque patella tegitur, (per quam peripheria absque dubio ligamenta, quae cruciata dicuntur, designat:) adeo ut brevi post nec tibiae inniti, nec, tardioribus etiam passibus, solus incedere posset. Frustra datis per aliquot hedomadas antiphlogisticis, consultus tandem PLATNERUS, nequicquam adhibita fascia, & fomentis discutientibus, ad stillicidium, a multis antea laudibus elatum, explorandum devenit, atque sale Ammoniaco aqua diluto, ex alto depluente, membrum irrigavit, jussitque, ut post irrigationem validior adhiberetur fricatio, membrumque pertractaretur, eo cum successu, ut post paucos dies nullo baculo fultum egredientem viderit aegrum (s). Egregiam etiam juvenis Ancylosi spuria a spasmo, sed pro vera habita, ad genu laborantis, dolorifica admodum, mox amputationem subituri, a se autem ope thermarum & stillicidiorum, ex oleo lumbricorum & hyperici aa pt., (quae & hic convenient,) sanati, historiam retulit MALOET (t). Talia stillicidia commode

(r) Vid. Oper. Tom. II. pag. 229, 230.

(s) Haec stillicidia aliquando inusitata fuisse, cum, quod eorum utilitas non perspiceretur, tum, quod parandi modus ignoraretur, unde frustraneum saepe aut nullum darent effectum, vid. Comm. Litt. Norimb. A. 1732. Hebd. 25. pag. 199.

(t) Vid. Mémoires de l'Acad. R. des Scienc. A. 1728. pag. 283. seqq. & Comm. Litt. Norimb. A. 1732. Hebd. 53. pag. 422. Conf. Prix de l'Acad. R. de Chir. Vol. II. pag. 81.

24 DISSERTATIO DE ANCYLOSEOS

ex aqua calida, vel solutione salis Ammoniaci, &c. per longum tubum ad articulum rigidum determinatis, fieri poterunt. Non juvantibus satis stillicidiis, dolore multum imminuto, demum foimenta ex vino aromatico saepius iterata commendat PETIT (u). Praeter laudata remedia commendatur et alind, ut nempe vesiculis calida plenis laborans articulus per aliquod tempus tegatur; quo fit, ut totum corpus, & praesertim affecta pars leniter infudet, & qui intus confluxerit, humor discutiatur: quod remedium post adhibita stillicidia egregio cum successu adhibuit LEDRAN (v). Commendatur quoque a DU VERNEY (w), ut obrigescens pars in vivi, vel recens macerati animalis, abdomen vel tracheam immittatur, & dein linteo, spiritu vini calido, &c. imbuto, tegatur; vel ut cute calida detracta recens macerati animalis involvatur, vel sanguini recenter missa immittatur, sicque per naturalem talis animalis vaporem, qui balnei quasi yices sustineat, foveatur. Verum quidem est, rarius prima & unica vice juvare hoc remedium, repetitis tamen multum id prodesse posse, vi solven- te, & emolliente, crediderim. Ubi vero valida adeo est ea accumula-
tio, ut his obedire prorsus neget, acu cannulata, vel lanceola pertunden-
da est capsula articularis, & prudenter manu versus aperturam com-
primenda est, ut exeat illa synovia: cavendum autem, ne hac per-
pertusione reliqua laedantur ligamenta interiora & aponeuroses. Fi-

(u) Vid. I. c. pag. 320.

(v) Vid. I. c. & BAUDRY *Traité des Eaux minérales de Bourbonne à Dyon*, 1736; quem tractatum citat PLATNERUS I. c. pag. 229, ipsi videre mihi non contigit.

(w) Vid. I. c. pag. 384. seqq; Ed. Belg. pag. 325. seqq.

nita hac operatione, haud pariter inane est per plagam immittere li-
quorem quemdam balsamicum, aliumve, indoli causae morbosae hujus
mali accommodatum, calidum: v. g. decoctum, vel infusum agri-
moniae, scordii, aut similiū, vel aqua vulneraria prudentur in-
jiciatur, ut diluatur linimentū & discutiatur. Hoc facto, quando
sic omne expulsum est smegma, plūmaceola, balsamo leniente, e. g.
Arcaeī, aut oleo quodam blando imbuta, articuli cavum oblinatur,
& tegatur emplastro defensivo aut glutinante. Motus etiam pru-
denter tentandus est. Ubi purulentum est smegma, vel crassius, ita
ut per foramen cannula factū exire nequeat, duae magnae ad latus
interiorum ligamentorum facienda sunt incisiones, vulnusque eodem
tractandum modo. Cavendum autem, ne, sanato vulnere, rigescant
nimis, aut ita flaccescant ligamenta, ut inde luxatio sequatur. Ca-
vendum pariter, ne ossa diutius aëri exposita exfoliationem sube-
bant; quo in casu injectiones ex oleo ligni Guajaci, cicurato sp. vini
Camphorati q. s., vel ex pulv. Myrrae, Euphorbii & Aloes, vino
albo incoctis, laudat DU VERNEY (x). Ubi axungia nimis se-
rosa est, aliove miscetur succo, eodem tractanda modo est. De hoc
autem infra, ubi de hydrarthro agam, plura.

Ubi acrimoniam contraxit, involventia & diluentia non noce-
bunt; sed forsitan proderunt magis, quam alia acrimoniae op-
posita remedia.

Ubi corpora heterogenea in articulo delitescentia Ancylosi produ-

cen-

(x) Vid. l. c. pag. 397. Ed. Belg. pag. 336. seq.

cendae suam contulerunt symbolam, emollientia, discutientia aliaque dicta remedia externa adhibenda sunt; quibus nil proficientibus ad sectionem deveniendum est, qua feliciter aliquando talia corpora tolluntur. Facta sectione, dicto antea modo pergendum. De corpore cartilagineo, magnitudine majoris digiti articulum aequante, vestigia ossis exhibente, per sectionem e genu sublatō, legi meretur PECHLINUS (y).

In ligamentorum muscularumque accurtatione, nec non constrictione, ad Ancylosin contribuentibus, multum emollientia, resolventia, thermae, stillicidia (z), & antispasmodica interne assumta: in elongatione multum adstringentia, roborantia, fomenta, cataplasmata, fasciae, & balnea frigida profutura videntur.

Ubi a ligamentorum muscularumve debilitate producta est Ancylosis, articulum fascia paullo adstrictioni, cochleae in modum circumacta, deligare plurimum conductit; quod remedium saepe illas partes contrahit firmatque. Ubi haec deligatione scopo non satisfacit, ad thermas, & stillicidia deveniendum est (a). Addantur fomenta, unguenta roborantia, v. g. unguentum Martiatum, nervum. &c. frictiones, & articuli exercitatio.

Enatam a ligamentorum rigiditate, & duritate, Ancylosin epithemata diluentia, cataplasmata emollientia & resolventia, medicamenta anodyna, frictiones, stillicidia, in primis ex sale Ammoniaco, balnea, thermae, fomenta tepida, non tamen plane intermisso prudenti motu, saepe mitigant, subinde tollunt.

Quam

(y) Vid. *Obs. Phys. Med. Lib. II. Obs. 18. pag. 306. seq.*

(z) Vid. *Memoires de l'Acad. R. des sciences. L. c.*

(a) Conf. PLATNERUS l. s.

PATHOLOGIA ET CURATIONE.

Quam *evrundem tumor* induxit, rigiditas emollientia, resolventia, thermas, stillicidia, caustica, ferrum, aliaque tumori destruendo apta, varia pro varia tumoris indole, poscit remedia. Utinam nobis fungi ligamentorum curam, experientia firmatam, ut promisit (*b*), tradidisset doct. REIMARUS!

Ubi *disrupta* fuerunt ligamenta, emplastrum ex gummi Ammoniaco cum successu adhibuit O. J. EVERIS (*c*). Quapropter et, ubi vulnus artificiale ad evacuandum sinegma fuit inflictum, tale emplastrum conducere, crediderim.

Quando a *vulneribus* producitur rigor; ut sanetur, aliena omnia sunt eximenda, & eo dein, quo in aliis vulneribus Chirurgi solent, modo pergendum.

Ichori, meliceriae, hydropi articulorum ea, qua synoviam evacuandam, tollendam dixi, methodo est occurrendum, quibus et modicus accedat hydragogorum usus, aliaque, quae cacochymiam tollere valent.

Quae suum *rheumatismo* ortum debet, Ancylosis an, irritis omnibus aliis remediis, emphysemate, in illo morbo laudato, per inflictum integrimentis vulnus, sanari potest? (*d*). Hujus utilitatem nondum perspicio. Videndum, quid doceat usus; dum, experientia in Europa comprobatum hactenus fuisse, nondum novi. Evidem, ni indubitatis & frequentibus confirmetur effectibus, nunquam arriperem: certe alia absque

vul-

(*b*) Vid. *Dissert.* pag. 52.

(*c*) Vid. RICHTER'S *Heelk. Boekzaal.* VI. deel. 1 stuk. pag. 103. seqq.

(*d*) Vid. quae, de Emphysematis in rheumatismo usu, habet D. H. GALLANDAT, in *Verhand. der Holl. Maatsch.* VI. Deel. 2 stuk. pag. 676. seqq.

vulnere adhibenda praeferrem; veluti memoratum jam superius emplastrum ex gummi Ammoniaco, cui magis ob vim resolventem egregiam, uti et frictionibus, thermis, stillicidiis, &c. fido.

In Ancylosi ab *arthritide* nata, praeter nota antarthritica & memoria varia emollientia & resolventia, nonnulla alia laudat **D U V E R N E Y** (*e*); radicitus autem raro sanari, non est quod moneam.

Quae tumoribus scrophulosis, scorbuto, *lui Venereae*, aliisve consimilibus malis debetur, debellato fomite, si thermis & stillicidiis non obediatur, membra amputationem exigit (*f*). *circumcisio* mundi

Ubi exostosi suos debet natales, hanc tollere aliquando conductit. Quem in finem cauterium aliquando multum valet: vel tumor osseus styli perforatorii ope, coronae trepani adaptati, plurimis pertundatur foraminibus, non valde a se mutuo distantibus, & interstitia forcipis, vel, ne fissura oriatur (*g*), potius cunei, malleo plumbico adacti, ope, destruantur, tuncque, ad subitaneam obtinendam exfoliationem, solutio Mercurii in aqua forti, aut similia, adhibeantur (*h*). Quae dicta instrumenta descripsit delineavitque **GAREN GÉOT** (*i*). Si vero exostosis ab intemperie quadam, seu vitio interno, nata est; haec suo prius modo tractanda, antequam ipsam exostosin tollere tentet Chirurgus.

Si

(*e*) *I. c.* pag. 398. *seqq.* *Ed. Belg.* 338. *seq.*

(*f*) Vid. *Prix de l'Acad. de Chirurg.* *Tom. III.* pag. 333.

(*g*) Vid. *SWIETENII Comment. in Aph. BOERH.* §. 465. *Tom. I.* pag. 806. *seq.*

(*h*) Vid. *PETIT Traité des Maladies des Os*, *Tom. II.* pag. 393. *seq.*

(*i*) Vid. *Verhand. over de Instrum. der Chirurgie*, *II. Deel.* pag. 64. *seqq.* & 151—154. cum adjectis tabulis.

Si a quacunque ossium corruptione, aut carie enatam Practicus videt Ancylosin: eam prius per remedia humores corrigentia, amara, Artemisiam, Abrotanum, Absynthium, aggrediatur, & ubi caries adest, exfoliationem tentet per siccos pulveres inspersos, v. g. ex olibano, thure, mastiche, myrrha, iisdemve vino albo incoctis, aliisve antea dictis, vel et per liquorem BELLOSTII, ex Mercurio, spiritu nitri soluto, & aqua plantaginis diluto, factum. Iisdem hisce, nec non essentia succini & myrrhae, lapide infernali, aqua phagedaenica, aliisque, quae tradit HEISTERUS (k), fungos ossium tollat. Aut actuale cauterium, vel raspatorium (l), ad tollendam partem corruptam, novamque vi emergentium vasorum retexendam partem osseam periosteumque, in tempore adhibeat Chirurgus, oportet. Cavendum autem, ne nova substantia ossea articuli manticulas, vel reliqua ligamenta obducant; cui in primis frequenti, sed leni, motu prospicimus. Irritis omnibus, unicum in amputatione solarium est. In ultimis ultima tentanda. Notandum tamen, in dictis casibus Naturae vires per corticem Peruvianum, rubrum in primis, vulgari longe certiore & efficaciorem, sustentandas esse.

Ubi a luxatione non reducta enatam videmus Ancylen, larga venae sectio, regimen antiphlogisticum, diluentia, etiamsi absit inflamatio, nec non remedia topica, quibus dolori, inflammationi,

(k) In Inst. Chirurg. Tom. I. Lib. 5. Cap. 4. & 8. pag. 417. seq. & 429. Ed. Belg.

(l) Conf. GARENGEOT l. c. pag. 62. seqq. & 148 — 151. cum additis iconibus & Tabula ad pag. 67. adjecta.

& tumori eamus obviam, indicantur: quibus adhibitis, motus in primis frequenter, sed prudenter, sensim sensimque tentandus est. Neque reductio negligenda est: quae tamen semper non ita facile fit; quo in casu stillicidiis, balneis, thermisque utendum, quas expertus laudat PETIT. (*m*).

Quoties male reductae luxationi hoc malum supervenit, corrigenda reductio, & Ancylosis eodem, quo in praecedenti casu dictum, tractanda modo. Rarissime autem hoc vitium corrigi se patitur; saepe etiam correctionem tentare non licet, & nil saepe, nisi sola cura palliativa, supereft.

Si bene reductae Ancylosis supervenit luxationi, saepe mederi valemus larga venae sectione, regimine stricto, medicamentis anodynisi, diluentibus, resolventibus, aut et roborantibus, motuque prudenter instituto.

Ubi luxationem manticulae fractura comitatur, emplastrum ex gummi Ammoniaco in aceto soluto commendat O. J. EVERIS (*n*), ut supra monui.

Quando autem valida luxationem comitatur inflammatio, hanc in genere prius tollere conducit, quam luxationis curam aggredi: quia graviora ab illa, quam ex hac ipsa, sunt pertimescenda mala. Exasperata enim a reducendi tentaminibus inflammatione, totius affectae partis mors; a luxatione, praeter motum impeditum, alia mala symptomata non adeo metuenda sunt.

Ubi

(*m*) *l. c.* Tom. I. pag. 324. seqq.

(*n*) Vid. RICHTER *l. c.*

Ubi vero luxationem recens fractura prope articulum comitatur, haec prius reponenda est; quia eo in casu os satis extendi nequit (o). Dum interim, ut articulo induetæ rigiditati eamus obviam, eam, quantum valemus, aquofis calidis & oleofis applicatis epithematis, moderamur, ut, curata demum fractura, reducatur luxatio. Sero autem saepe in his sapimus Phryges, & rarissime utrumque vi-
tium, absque remanente Ancylosi vera, penitus sanatur.

Ubi *fracturae* suum ortum debet Ancylosis, articulus sensim ma-
gis magisque, sed lente movendus est, & eo quidem tempore, quo
dolor remittit; qua re impeditur, quo minus callus inter ossa effun-
datur, vel iisdem circumfundatur, aut jam effundi incipiens Ancy-
losis veram producat. Solo hoc motu Ancylosis spuriam a fracta rotula
sanavit, veramque antevertit PETIT (p). Fracto autem primum
osse, praecavetur Ancylosis, vel sanatur, ponendo membrum in
tali situ, ut materies callofa ab articulo dederetur; inter *fracturae*
locum & articulum splenia, fasciis leniter pressa, ponendo, quo
calli effusio intra, vel circa articulum impeditur. Calli autem ab-
undantiam, quae in junioribus facillime fit, praecavere vix melius
possamus, quam victu parcissimo, & vix majorem, quam ad suspen-
tandam vitam requiritur, copiam concedendo: deinde articulum
prudenter movendo, quoties tollitur apparatus.

Ubi autem callus in articulo, vel circa eundem effusus, & recens
est;

(o) Vid. PLATNERI *Inst. Chir. Rat.* §. 1119.

(p) Vid. I. c. Tom. I. pag. 321. seq.

est; tentato saepius leni articuli motu, applicatisque medicamentis emollientibus, discutientibus, resolventibusque, non raro Ancylosis praecaveri, vel et sanari potest. Semper tamen quid impedimenti restat, nec raro claudicatio tristem mali praeberet.

In reliquis, quae sanari possunt, Ancyloseos speciebus, omnibus causis suo occurritur modo: id est, uno verbo, *contraria*, ut dixit HIPPOCRATES (*q*), *curantur contrariis*; quae omnia recensere vetat, quam mihi proposui, brevitas. Notandum autem, quod in omni Ancyloseos cura motus accedere debeat.

Duo adhuc contra Ancylosin in genere laudata remedia memoranda supersunt, 1º. Glandes contra Ancylosin commendavit clar. Fr. J. G. SCHROEDERUS (*r*), iisque resolventem, roborantem & penetrantem vim attribuit. Certe fieri potest, quod etiam verosimile, ut glandes ob vim roborantem non plane nullius sint usus: ab altera autem parte, vi potius adstringente, quam resolvente, tum et, ob nimiam glutinis copiam, multum nocere posse glandium usum, vix dubito 2º. Communicavit mecum amicus Medicus observationem, sibi, ut testatur, a peritissimo Practico traditam; qua aëris fixi tam insignis apparuerit efficacia, ut artuum rigiditatem cum immobilitate junctam, nequicquam aliis adhibitis remediis, sanaverit plenarie. Forsan autem hoc remedium non in Ancylosi plenaria, sed in mino-

re

(*q*) *Sext. II. Aph. 22.*

(*r*) In *Epistola ad clar. BALDINGERUM*. Vid. *Comm. de reb. &c. vol. XX. part. 4. pag. 636. seq.*

re rigiditatis gradu adhibitum est: saltem tantam ejus vim nondum perspicio.

§. XXXIX.

In iis autem, quae sanari negant, Ancyloseos speciebus, nil, nisi palliativa cura, supereft; quae noxas ab Ancylosi oriundas praecaveat, eamque aegro tolerabiliorem reddat. Hanc peragunt anodyna, antispasmodica, venae sectiones largae, laxantia, emollientia, & resolventia, aliaque pro re nata, regimen strictius, diaeta eu-chyma, eupelta, ex lacte, maxime ejus fero, lacte ebutyrato, aqua, ptisana, jusculis tenuioribus, carne pulli, vitulina, hordeo, milio, oryza, rad. scorsonerae, lactuca, pane biscocto, fructibus horaeis, cerevisia tenui. Cavendum a causticis. In genere medicamenta diluentia, emollientia, resolventia, antiphlogistica, anti-spasmodica convenient.

Notandum autem, quod, ubi ferri valet malum, saepe spectatorem agere oporteat Medicum. Ubi v. g. a scirrho, vel exostosi benigniore, &c. producta fuerit Ancylosis, ne medicamentis non tantum non sanetur, verum exacerbetur morbus, immo ipsa mors sequatur (s). Cavendum autem, ne naturam turbemus in salutari suo scopo, de quo §. XVII. actum est.

§. XXX.

(s) Vid. PETIT, l. c. Tom. II. pag. 375.

§. XXX.

Interdum fit, ut Ancylosis quaedam jam produixerit symptomata, quorum fugationem requirit plenaria Ancyloseos sanatio. Quare et huic scopo intentus sit Medicus, oportet, ut symptomata a diro hoc morbo producta pellat, vel, si hoc non valeat, mitiget. Hoc sane per ipsius morbi curationem optime efficietur. Alias autem quomodo huic satisfiat scopo, enarrare si vellem, initium facile foret, finem aegre attingerem, & hic tractatus arctos dissertationis academicae excederet limites, & in volumen excresceret. Id in genere denuo, secundum dictam HIPPOCRATIS regulam, qua toties Medici in aliis utuntur morbis, notandum, *contraria curari contrariis.*

§. XXXI.

Hanc itaque, B. L., Ancyloseos Historiam, quantum valui, breviter & evitata prolixitate molesta, exposui. Scopus quidem mihi fuerat metatarsi totius sinistri, quem alibi^(t) descripsi, in unum os confluxus; atlantum cum craniis; magnae gibbosum truncum partis §. XI. N°. xix. 3°. pag. 34. seq. dictae, coalitus; Ancyloseos cruris cum parte tarsi & metatarsi, aliorumque, quae nuperime mihi comparavi, specimenum adjicere icones: ob angustiam autem temporis, qua nunc premime sentio, hisce acquiesco, illas data opportunitate cum adjecta descriptione editurus. Plura de Ancylofi si quis desideret, praeter Chirurgicae

artis

(t) Vid. *Diss. Acad. de Ancylofi*, in *Mantiss. N. 3°. pag. 56.*

artis Scriptores, conferantur clar. A. E. BUCHNERI *Dissertatio de Ancyloſi*, Erfurt. 1743. quam tamen in meas manus non pervenisse, quam maxime doleo. CONNOR, *de Stupendo Oſſum coalitu*, Oxon. 1695. PETIT *Traité des Maladies des Os*, Tom. I. pag. 285. seqq. DU VERNEY *Traité des maladies des Os*, Tom. II. pag. 350. seqq. Ed. Belg. pag. 296. seqq. W. H. MULLERI *Dissert. de Ancyloſi*, quae exſtat in HALLERI *Dissert. Chirurg.* vol. IV. pag. 539. seqq. O. J. EVERSI *Observationes de Ancyloſi*, quae proſtant in egregio Diario Chirurgico, Germanice ed., *Chirurgische Bibliothek dicto*, clar. Professoris Gotting. A. G. RICHTER, quae nunc etiam Belgice prodit, titulo *Heelkundige Boekzaal*; ubi vide VI. Deel. I Stuk. pag. 103. seqq.

Quae jam huic opuſculo meo deesse videantur, ea propenso ani-
mo, B. L., suppleas, enixe rogo: ſin vero juvenilia conamina.
Tibi placeant, & rem meam evicerim, erit quod mihi gratuler.

F X N X S.

Pag. 23 reg. 16. praedispositioni. *lege occasioni*. Pag. 34. reg. I. *cervice*, *lege cranio*.

THE.

THESES.

I.

Frequentior, quam vulgo putatur, insanabilis surditatis caussa est ossium auditus Ancylosis.

II.

Ossium Pubis Ancylosis validissimum contra synchondrotomiam pubis praebet argumentum.

III.

Ancylosin veram sanare qui tentant, Aethiopem lavant.

IV.

Si luxationi fractura prope articulum accedat, hanc illa prius currandam esse, contendeo.

V.

Male clar. VOGELIUS (a) cortici Peruviano insinuum inter febri-fuga dat locum.

VI.

Minus recte IDEM (b) febricitantibus cibos salitos & muria conditost salutares perhibere videtur.

VII.

Nec majori jure (c), in obstruētis glandulis circulationem non plane esse interceptam, sed lentiorem tantum, statuit.

VIII.

Quum vasa lymphatica sanguiferis robustiores habeant tunicas; illis in obstruktione majus, quam his, imminere rupturae periculum, immerito afferere videtur ill. SWIETENIUS (d).

IX.

Licet, quomodo lumbrici, Humano generi perquam infesti, nostrum corpus ingrediantur, explicatio multis prematur dubiis; optima tamen videtur, qua eos, sive forma ovulorum, seu animalculorum minimorum, C. H. ingressos, ibidemque conditiones suae exclusioni, vel incremento faventes, nactos, in solitam ex crescere statuunt magnitudinem.

X.

In mortis suspensorum caussis interceptae respirationi primarius locus dandus.

(a) In Praelect. Acad. de Cogn. & Cur. Praecip. C. H. Affect. §. 23.

(b) Ibid. §. 27.

(c) Vid. §. 339.

(d) In Comm. ad Aph. BOERH. §. 120. Tem. I. pag. 183. seq.

ANGELINIS MISSIONE IN
CORIEXIA ABISTER.
MUSORICIDA.

... habundat et non poterit

... quod est in eo quod dicitur deus

DISSERTATO MEDICA
IN AUGURIA IIS

D E

SANGUINIS MISSIONE IN
APOPLEXIA AB INTER-
NIS CAUSIS ORIUNDA.

D: Skeete

W^t. best Compt^{ts}
for the Author

EDWARD ORKIN LONDON
SALISBURY

ANGUINI'S MISSIONE IN
VROPOLYXIA ABBINTE.
NISCAUSIS ORIUNDIA.